

吳縣志卷第七十六上

列傳

流寓一

吳下寓公別乎土著雖始王志然斷自及身僑寄者實昉於乾隆志但彼係府志故各縣不妨錯列此為邑乘則界畫固宜區分也志流寓

吳縣

周

范蠡字少伯事越王句踐滅吳成霸遂泛舟游五湖莫知所終今蠡口越來溪等處皆其遺

蹟節馮府志

漢

高獲字敬公汝南新息人少游學京師與光武有舊師事司徒歐陽歙歙下獄當斷獲冠鐵冠帶鉄鎖詣闕請歙帝雖不赦而引見之謂曰敬公朕欲用子為吏宜改常性對曰臣受性於父母不可改之於陛下出便辭去三公爭辟不應後太守鮑昱請獲既至門令主簿

就迎主簿曰但使騎吏迎之獲聞之卽去昱遣追請獲獲顧曰府君但爲主簿所欺不足

與談遂不留時郡境大旱獲素善天文曉遁甲能役使鬼神昱自往問何以致雨獲曰急

罷三部督郵明府當自北出到三十里亭雨可致也昱從之果得大雨每行縣輒軾其閭

獲遠遁江南卒於石城章懷太子注石城石城人思之共爲立祠節後漢書馮府志云

地記以下諸書無言及者然章懷注後漢書謂在蘇州西南當時必有所據今郡西南有

靈巖山一名硯石山吳越春秋云硯石山又名石城山越絕書云硯石山下有石城今山

下地名峻村出硯材疑峻村本作獲村因獲居此得名後此爲峻耳然無他證未敢遽定

以章懷之注特存之若常熟舊志亦載獲入流寓謂縣宜化門外有石城里疑卽其地則

據矣無

梁鴻字伯鸞扶風平陵人受業太學家貧尙節介慕前世高士爲四皓以來二十四人作頌

出關過京師作五噫歌肅宗聞而非之求鴻不得易姓運期名耀字侯光與妻子適吳依

大家皋伯通居廡下爲人賃舂每歸妻爲具食不敢仰視舉案齊眉伯通察而異之曰彼

傭能使其妻敬之如此非凡人也乃舍之於家鴻潛閉著書十餘篇疾且困告主人曰昔

延陵季子葬子於贏博之間不歸鄉里慎勿令我子持喪歸去及卒伯通等爲求葬地於

吳

要離冢旁曰要離烈士伯鸞清高可令相近葬畢妻子歸扶風

節馮府志引後漢書

岑暉字公孝南陽棘陽人年少未知名往候同郡宗慈與語慈大奇之遂俱至雒陽詣太學  
受業暉有高才郭林宗朱公叔等皆爲友李膺王暢稱其有幹國器雖在閭里慨然有董  
正天下之志太守成瑨下車欲振威嚴聞暉名請爲功曹暉褒善刺違肅清朝府宛有富  
賈張汎者桓帝美人之外親用勢縱橫暉勸瑨收補汎等既而遇赦暉竟誅之并收其宗  
族賓客殺二百餘人後乃奏聞中常侍侯覽使汎妻上書訟其寃帝怒徵瑨下獄死暉逃  
匿齊魯間會赦出後交辟不就及李杜之誅復逃竄江夏山中徙居吳郡子孫遂爲吳人

王節馮府志引後漢書參唐書宰相表

桓礪沛郡龍亢人尤修志介三公並辟皆不應初平中天下亂避地吳郡揚州劉繇振給穀

食衣服所乏者皆不受

節馮府志引後漢書參東觀漢記

晉

范汪字元平仕晉爲安西長史桓溫頻請爲長史江州刺史皆不就自請還京求爲東陽太  
守溫甚恨焉簡文帝作相除安北將軍徐兗二州刺史既而桓溫北伐令汪率文武出梁  
國以失期免爲庶人朝廷憚溫不敢執汪屏居吳郡從容講肄不言枉直

馮府志引晉書

南北朝大猷錢塘人也少有隱操居瀑布山三十餘年隔絕人物王僧達爲吳郡苦禮致

楮伯玉字元璩錢塘人也少有隱操居瀑布山三十餘年隔絕人物王僧達爲吳郡苦禮致

之伯玉不得已停郡信宿纔交數言而退寧朔將軍邱珍孫與僧達書曰聞楮先生出居

貴館此子滅景雲棲不事王侯有年載矣自非折節好賢何以致之答曰楮先生從白雲

游舊矣近故要其來此冀慰日夜比談討芝桂借訪荔蘿若已窺烟液臨滄洲矣節馮府志引南

齊書王固字子堅少清正頗涉文史陳永定中移居吳郡文帝以固清靜且欲申以昏姻天嘉中

拜國子祭酒以其女爲皇太子妃禮遇甚重大建中卒於太常卿諡恭子馮府志

唐馮府志

殷懌字易從曲阿人少負志氣博學善屬文弱冠遊太學藉甚公卿間天寶末知天下將亂

乃趣裝東歸侍母居吳郡吳中士大夫得從之遊者鄉鄰以爲榮采訪使李希言辟爲從

事授試崑山尉不就子侑遂顯官節馮府志

張祐字承吉南陽人寓蘇州有詩名白居易刺杭時江東進士多奔杭取解屬時以素望取

張祐字承吉南陽人寓蘇州有詩名白居易刺杭時江東進士多奔杭取解屬時以素望取

士祐自意必首薦既而徐凝冠多士祐假蹇不隨鄉試令狐楚鎮天平表祐新舊格詩三百篇以獻至京師爲元禎所抑寂寥而歸自號釣鰲客會昌初李紳節度淮南壯其爲人厚加禮致祐長於長於宮詞掖庭多吟諷之杜牧守池與爲詩酒友寄詩云誰人得似張公子千首詩輕萬戶侯大中間卒於丹陽

節馮府志  
引唐志

楊收字藏之馮翊人自言隋越國公素之後父遺直位終濠州錄事參軍客於蘇州講學爲事因家於吳生四子發假收嚴發字至之太和四年進士又以書判拔萃累遷左司郎中宣宗追尊順宗憲宗尊號禮院奏廟中神主已題舊號請改造及重題詔禮官議發議禮無改造之文亦無重加尊諡改題之例宜但告新諡於廟時宰相覆奏就神主改題知禮者以發議爲是改太常少卿出爲蘇州刺史蘇發之鄉里也恭長慈幼人士稱之還改福建觀察使以善績聞移授嶺南節度使貶婺州刺史卒假字仁之進士擢第鄆覃刺華州署爲從事從覃鎮京口得大理評事入爲監察轉侍御史由司封郎中轉太常少卿出爲常州刺史卒官初遣直娶元氏生發假繼室長孫氏生收嚴收長六尺二寸廣額深頤疏眉秀目寡言笑博聞強記初家寄涪陽甚貧七歲喪父居喪如成人長孫夫人知書親自

教授十三略通諸經義善於文咏吳人呼爲神童以仲兄假未登第久之不從鄉試開成  
末假擢第是冬收之長安明年一舉登第杜棕鎮揚州延收署節度推官棕領度支以收  
爲巡官棕鎮東蜀奏掌書記移鎮西川復管記室宰相馬植奏授渭南尉充集賢校理改  
監察御史收辭以仲兄假從事侯府不忍先爲御史復爲棕節度判官植乃以收弟嚴爲  
渭南尉代收之任周墀鎮東蜀表嚴爲掌書記墀至鎮而棕卒乃辟嚴爲判官兄弟同幕  
爲兩使判官時人榮之俄而假自浙西觀察判官入爲監察御史收亦自西川入爲監  
察兄弟並居憲府裴休作相以收深於禮學用爲太常博士收弟嚴亦自揚州從事入爲監  
察尋丁母憂歸蘇州既除崔琪鎮淮南以收爲觀察支使入爲侍御史歷吏部員外郎上  
言先人未葬旅殯毗陵擬遷卜於河南偃師請兄弟自往從之及葬東周會葬者千人宰  
相令狐綯用收爲翰林學士知制誥拜中書舍人轉兵部侍郎學士承旨左軍中尉楊元  
价以收宗姓深左右之乃加銀青光祿大夫中書侍郎同平章事累遷門下侍郎兵部尚  
書收以南蠻擾亂請於洪州置鎮南軍屯兵積粟以餉南海天子嘉之進位尚書僕射太  
清太微宮使宏文館大學士晉陽男收居位稍務華靡門吏僮奴倚爲奸利時楊元价弟

兄掌機務招徠方鎮之賂屢有請託收不能盡從元价以爲背已由是頓之八年十月罷爲宣歙觀察使章保衡作相又發其陰事明年八月貶端州司馬尋長流驩州又詔賜死嚴字凜之會昌四年進士擢第累遷給事中工部侍郎翰林學士兄收作相請外職拜浙東觀察使收罷嚴坐貶邵州刺史收得雪嚴量移吉王傅累遷兵部侍郎判度支病卒

府志引舊唐書案舊志楊氏諸人皆入人物乾隆志以其家蘇州自收兄弟始至涉之子凝式又爲雒陽人乃從通志入流寓又因舊唐書源委較晰故詳錄之然至發子乘收子鑿鉅鑄嚴子沙注以下卽不爲雒陽人亦非流寓矣故刪之

宋

梅堯臣字聖俞宣城人世以詩名堯臣遂以詩聞天下始以蔭補齋郎王晦叔見其文歎曰二百年無此作矣嘉祐元年翰林學士趙槩等言於朝曰梅堯臣經明行修願得留與國子諸生講論道德作爲雅頌以歌詠聖化乃得國子監直講官至都官員外郎嘗奏其所撰唐載二十六卷多補正舊史闕謬乃命編修唐書書成未奏而卒年五十有九

東都聖

俞晚年嘗卜築滄浪亭之旁與子美相鄰日夕往還酌酒賦詩相得甚歡至今稱其地爲

梅家園

節廬志

李鼇壽昌令璣之子濮州人咸平中自睦州罷官北歸舟過吳江卒即葬於天平山鼇時尙

幼奉母鄭家於蘇天聖中鄭卒與璣合葬鼇倚杖寢苦廬於墓側蚤夜悲慟甘露再降於

松柏朝野名士皆爲賦詩鼇又以母嘗誦金經刺血爲書刻於墓下楊備表之馮府志

徐祐字受天擢進士第居官以清白稱位至左司員外郎以都官郎中致仕慶曆中屏居蘇

州作山亭胥門外爲登臨之地與少卿葉參爲九老會卒年七十有五祐通州靜海人節

府志引

楊備天聖中爲長溪令夢中忽作詩曰月俸蚨錢數甚微不知從宦幾時歸東吳一片烟波

在欲問何人買釣磯及寤心嘗異之明道初宰華亭俄丁內艱遂家於吳樂其風俗之美

安而弗遷因悟夢中所作幾於前定嘗效白體作我愛姑蘇好十章又作姑蘇百題詩行

世

馮府志引中興紀開又馮志案宋詩紀事備字修之建平人  
億之弟慶曆中爲尚書虞部員外郎分司南京上輕軍都尉

盧革字仲辛德清人少舉童子至登第年才十六慶曆中知饒州蠻入寇桂管騷動革經畫

軍需先事而集歷知婺泉二州提點廣東刑獄福建湖南轉運使復請外神宗謂宰相曰

革廉退知是宜與嘉郡遂爲宣州以光祿卿致仕用子秉恩轉通議大夫退居於吳十五



年吳郡志今盧提刑橋因其宅以名卒年八十二節馮府志引宋史

滕元發初名甫避高魯王諱以字爲名更字達道本東陽人九歲能賦詩敏捷過人范文正之父爲諸舅見而奇之教以爲文文正爲鄉郡安定胡先生居於郡學元發來從學門人以十數第其文常爲首舉進士試於廷擢第三以聲韻不中程黜之後八年復中第三通判湖州孫沔守錢塘一見曰後當爲賢將授以治劇守邊之要召試學士院判吏部南曹同修起居注知制誥知諫院王陶論宰相不押班爲跋扈上以問元發曰宰相固有罪然以爲跋扈則欺天陷人矣知開封府遷御史中丞抗論得失爲多河朔地震壞城廬命爲安撫使還復知開封府除翰林學士出知鄆州移定州入覲力言新法之害徙青州留守南都知齊鄧二州坐累知安州以言者復貶筠州已而知湖州哲宗卽位徙蘇楊二州除龍圖閣直學士復知鄆州歲方饑乞淮南米二十萬石爲備全活五萬人徙真定河東除龍圖閣學士復知揚州未至而卒年七十有一贈左銀青光祿大夫諡章敏元發慷慨豪邁不拘小節近世名將無出其上者葬陽山子孫遂爲吳人

馮府志引乾隆志案馮志謂元發父葬吳縣則不必定以爲長洲流寓也

馮府志引乾隆志案馮志謂元發父葬

錢藻字醕老吳越王鏐五世孫舉進士又中制科爲人清謹寡過謹守繩墨爲治簡靜持重立朝無矯亢之節亦不爲雷同處勢利淡如也人稱長者英宗時爲祕書校理上書請太后還政通判秀州神宗時稍遷直舍人院同修起居注擢知制誥直學士院除樞密直學士知開封府遷翰林侍讀學士卒年六十有一

馮府志引東都事略

初藻與滕元發受學安定胡先生藻用和州貫登第母丁葬天平山遂爲蘇人

盧志節馮府志

沈括字存中錢塘人父周娶吳縣許仲榮女括入籍於吳舉嘉祐八年進士爲揚州司理參軍熙寧間除太子中允遷集賢校理察訪兩浙農田水利遷太常丞同修起居注邊吏報北虜將入寇亟遣中貴人取兩河民車以爲戰備民大驚擾括言於神宗曰巫臣教吳子以車戰遂伯中國李靖用偏箱鹿角車以禽頡利臣但未知一事古人所謂輕車者兵車也今民間輜車重大椎樸以牛挽之日不能行三十里少蒙雨雪則跬步不進故俗謂之太平車或可施於無事之日恐兵閒不可用遂罷籍民車未幾以右正言知制誥察訪河北西路出使遼國使還以淮浙災傷爲體量安撫使權三司使遷翰林學士括詣宰相吳充陳說免役事謂可變法令輕役依舊輪差御史蔡確論括非其職遽請變法遂罷集賢

院學士知宣州復龍圖閣待制召還知審官院復以言者罷知青州尋知延州王師大舉伐西夏种諤帥師入銀夏州而不能有明年括請城永樂命徐禧李舜舉計議邊事李稷主糧餉遂城永樂距銀州五十里米脂五十里城成賜名銀州砦既而賊二十萬重圍永樂城城陷禧舜舉與稷死之神宗以括始議責爲均州團練副使隨州安置徙秀州復光祿卿分司南京卒括嘗上熙寧奉元曆編修天下郡國圖著述頗多

馮節府志  
引道光志

沈邁字文通錢塘人括兄扶之子也舉進士通判江寧府除集賢校理知制誥出知越州徙杭州爲人疏雋博達明於吏治令行禁止奸猾屏息召知開封府遷龍圖閣直學士治如在杭州早作視事遼午而畢出與親舊還往從容燕笑沛然有暇士大夫交稱其能拜翰林學士判流內銓丁母憂英宗閱其去資黃金百兩仍命扶塋歸蘇州旣葬廬墓下服未竟而卒年四十世咨惜之

節馮府志  
引宋史

張景修字敏叔

馮府志引盧志云  
本常州人居吳中

人物瀟灑文章雅正登治平四年進士第雖兩爲憲漕五

領郡符家極貧窶僦市屋以居初爲汝州梁令作送童子朱天錫詩天錫旣到闕下忘取本州公據爲禮部所卻因擊登聞鼓繳景修詩爲證神宗一見大稱賞之翌日以語宰相

王珪卽令召對珪言不欲以一詩召人恐長浮競不若俟其秩滿然後擢用之遂止比罷官神宗已升遐矣景修曆仕三朝每登對上必問聞卿作朱童子詩試爲舉似由此詩名

益著終祠部郎中年七十餘卒

節調府志引中吳紀聞

賀鑄字方回孝惠皇后族孫博學強記工五言尤長度曲初娶宗女隸籍右選元祐中李清臣執政奉改通直郎通判泗州又倅太平州以尙酒使氣不得美官悒悒不得志食宮祿退居吳下引遠世故家藏萬餘卷手自讎校無一字誤家貧貸子錢自給有負者輒折券與之秋毫不以丐人所爲詞章往往傳播人口建中靖國時黃庭堅自黔中還得其江南梅子之句以爲似謝元暉

調府志引宋史

孫覲字仲益晉陵人宋大觀三年進士建炎初出守平江未幾罷慕郡西山水之勝泛舟濟

太湖登洞庭山日與詩僧韻士嘯傲於豐林邃壑間遂居西山之陽名其室曰休寓

調府志引

吳中人物志

章憲字叔度其父都官郎中甫自建州徙居於蘇憲居黃村樂道修行以餘力學文鄉人稱爲君子與弟慙嘗受學壬蘋及與楊時朱辰呂本中遊憲尤邃於春秋宣和中謫漢陽軍

酒稅殫於兵有復軒集曾文清幾序而傳之

節徐傳  
光福志

徐綦原藉汴梁子揆宣和中爲太學齋長當二帝蒙塵時肅王出使詔擇從官朝臣多畏難揆毅然應命上書金人不屈被害詔諡靖節綦避兵南下愛光福山水清嘉遂家焉世號

汴河公此爲光福有徐氏之始

節徐傳  
光福志

程俱字致道開化人以外祖尙書左丞鄧甫恩補吳江主簿政和間監舒州太湖茶場坐上書論事罷家於吳葺小屋號蝸廬紹興初擢中書舍人其文典雅閎奧爲時所稱

馮府志  
引乾隆

志

徐嘉字吉卿衢州人乾道中自道州移知平江高宗語孝宗曰是管手奪國書者詔過闕觀

兩宮在官踰年丐祠去樂吳中山水卜宅洞庭西山堂里死卽葬焉子孫遂爲吳人

馮府志  
引

盧志參徐氏家乘馮志云舊志列名宦而在平江無政績今移正是也故仍之

湯璿字君寶瀏陽人淳熙十四年進士調德安府學教授轉三省樞密院架閣遷國子博士時召朱熹爲講官未幾辭歸璿疏言熹以正學爲講官四方望其有啓沃之益曾未踰時輒聽其去必駭物論宜召熹還仍授講職不報由是浸忤權相意而璿之直聲亦大聞於

時歷禮部郎官出知台州徙常州開禧三年謫居贛州嘉定四年復原官寓居平江後爲大理少卿進直徽猷閣致仕卒璫負直概與韓侂胄陳自強不合故屢嗾言者中傷生平奉祀閒居之日多於數厯在禮曹例掌三省奏記屬詞務持大體不爲阿曲言者摭其語涉訕上朝廷實知其無他故起復制詞有清風峻節之語

節馮府志  
引乾隆志

王仲甫字明之岐公猶子風流翰墨名著一時後客於吳門

節馮府志  
引中吳紀聞

邢居士大梁人游蔡季通先生門遭韓侂胄禁僞學埋名徙姑蘇其孫谷真當宋末率妻子

居鄉耕讀足跡不入城市

節馮府志  
引姓氏備考

何執中字伯通處州龍泉人進士高等爲太學博士母憂寓蘇州比鄰失火執中拊柩號哭

堅不去有頃火卻

節馮府志  
引宋史

高定子字瞻叔本魏了翁同產兄也嘉泰二年舉進士歷知夾江縣長寧軍綿州政業著聞累遷禮部尙書兼直學士淳祐初拜翰林學士知制誥一日草五制未更燭而成理宗大喜進端明殿學士簽書樞密院兼參知政事知福州福建安撫使固辭提舉洞霄宮請致仕不許改知潭州力辭賜第平江仰家橋深衣大帶日以著述自娛以資政殿學士轉一

官致仕卒贈少保定子之學根抵羣經於諸子百氏博極淹貫爲文法度謹嚴高出時輩學者稱著齋先生兄稼字南叔由進士歷利州路提刑知沔州死節贈龍圖閣諡忠襄

馮節

府志引  
乾隆志

方萬里字子萬其先嚴州人元符以來世登儒科萬里幼失父伯兄永嘉簿賜復攜之侍母來吳因家焉登進士教授江陰軍儲義廩置小學謹禮儀紹定五年以朝奉郎知江陰軍累至太常寺簿贈正奉大夫萬里問學履行遠近敬之趙汝述守平江遇之甚至汝述卒賓客皆散去萬里獨護喪數程時人義之

節馮府志  
引姑蘇志

邱岳字山甫唐高承礪之曾孫也祖琚紹興中與子松歸朝授琚迪功郎招撫司准備差遣松下州文學遂家高郵琚卒葬吳縣岳松之子嘉定十年進士授太湖尉辟蘄州推官紹定三年李全弄兵於淮東安撫副使趙范提刑趙葵奉命誅討辟岳入幕贊決謀議卒殄凶逆歷通判黃州知眞州端平三年蒙古來攻岳設伏敗之殺其驍將又選勇士襲敵營焚其廬帳遂引去改兵部郎中淮東提刑兼提舉常平知太平州兼江西轉運徙知江州兼沿江制置副使移鎮淮東累疏求去淳祐十年以工部尙書召尋謝事自鎮江徙居常

熟寶祐初授華文閣直學士沿江制置使兼知建康府江東安撫兼營田使行宮留守節制和州無爲軍安慶三郡屯田使丞相遺書奉旨趣行舟發京口時北兵方闚廬和卽調兵赴援趣新知和州印應雷往應雷奮入卒保和州三年授龍圖閣學士致仕卒年六十有九岳在眞州及淮閩兵將樂爲之用凡四禦大敵未嘗敗衄泗州之捷功尤偉爲人簡

重理宗嘗書忠實二字賜之官至正議大夫封東海郡侯

節馮府志  
引盧志

鄧若水字平仲井研人博通經史爲文章有奇氣吳曦叛欲起兵討之不就乃仗劍徒步如武興欲手刃曦道聞曦死而還人竊笑其狂而壯其志登嘉定十三年進士第對策論史彌遠奸狀乞罷其相考官竄之後列理宗卽位應詔上封事言彌遠不立濟王而立陛下握大權擅國政以盛章輩表裏爲奸使區區李全得以偏強於外陛下不加天誅則無以固大位而平大難制置司不爲附驛還之格當改官爲彌遠所抑嘉熙間召爲太學博士草奏數千言大概欲斲棺戮尸以正彌遠之罪出爲通判寧國府書不得上旋以言罷遂

隱洞庭山後歸蜀

節馮府志  
引盧志

王維德字國輔其先太原人後徙汴自幼刻苦於學經史子集靡不精究宋末舉進士第



迪功郎主晉陵簿公餘手不釋卷秩滿愛吳風土淳厚遂徙家焉時賈似道當朝故不復住至元十三年元兵過江終日閉門歛迹危坐間出遇夷人於通衢輒掩面作色以歸病

卒索紙筆作語遺家人曰死瘞臊臙神匪我靈盍投丙丁薪乾土馨節馮府志引處志

元

龔開字聖予淮陰人少負才能尙氣節博學好古尤邃經術宋季與陸秀夫同居李庭芝幕

府宋亡來居吳下節愈孤峻嘗作文天祥及秀夫傳吳萊稱其不減遷固日與高郵龔璠

爲忘年友時以比漢楚兩龔開爲詩文清勁古雅爲山水人物尤卓絕不凡節馮府志引乾隆志

龔璠字子敬宋寶謨閣司農卿濬之子渠自高郵徙鎮江宦游久留平江又家焉宋亡士大

夫居班行者例遣北上漢行至莘縣不食卒璠悲不自勝語其弟理曰國亡家破兄弟少

孤不能力振門戶獨不可爲儒以自奮耶於是刻苦於學聲譽藉甚憲使徐炎辟賓幕下

尋舉和靖學道兩書院山長當路者交薦璠宜在館閣不報調寧國路儒學教授遷上饒

主簿再調宜春丞以浙江儒學副提舉致仕節馮府志引乾隆志

錢仲鼎字德鈞通州人徙居蘇之蒲帆巷自幼無書不讀尤潛心六藝在宋以詩經發解元

兵渡江不復仕進棄舉子業攻古文授徒於家多時俊年餘九十燈下書細字至夜分乃  
寢暇日訪親行十餘里不持杖時汪澤民爲本郡推官每朔旦親候於門必再拜曰先生  
文章行業誠古君子也

節馮府志  
引廬志

范霖縉雲人文正公族也元初以名儒召見稱旨授江浙提舉轉禮部侍郎立朝有氣節議  
論凌人時咸讓之因往來於吳遂家焉

馮府志  
引廬志

劉岳字公泰祖開宋神醫世居南康星子岳嘗讀書白鹿洞克傳家學宋季東游遂居於吳  
元世祖詔求南士有司以岳應入見詢其先世卽命以奉議大夫官太醫院時稱爲劉三  
點以其指點三下洞知六脈受病之源也未幾詔以其文合古可掌誥命改翰林學士知  
制誥同修國史廷議輒與議裕

馮府志疑  
當作成

宗嗣位丐補外授嘉議大夫建昌路總管期年

卒還葬於吳岳爲文典雅詩無寒儉態惜不盡傳

馮府志  
引廬志

張德元字長卿大名元貞二年仕爲平江路知事寓居郡城事母至孝大德元年以姊慧

亨守節同旌表

馮府志引  
始蘇志

柯九思字敬仲仙居人文宗時爲奎章閣鑒書博士寵顧甚隆以言罷文宗崩流寓吳中卒

善畫竹得文同筆法

馮府志引  
姑蘇志

鄭元祐字明德遂昌人父希遠徙家錢塘元祐幼穎悟過人於書無所不讀時咸淳諸老猶在元祐遍曆其門質疑稽隱充然有得長老皆折節下之父卒移居姑蘇從游者雲集浙省憲臺爭以潛德薦之以臂疾不願仕優游吳中幾四十年富貴聲利一不動其心吳人無不敬禮至正十七年除平江路儒學教授一歲移疾去後七年擢江浙儒學提舉居九月卒年七十三元祐兒時以乳媪失手致傷右手比長能左手作楷書規矩盡備世稱一絕遂自號尙左生爲文章滂沛豪宕有古作者風詩亦清峻蒼古晚年自彙其所作文名

曰僑吳集

節馮志  
引乾隆志

邵光祖字宏道饒州人康節十世孫從父宦游來吳因家焉博學好古研精經傳垂三十年五經皆有疑義又著尙書集義六卷尤通六書之旨采諸經騷語古韻偏旁以從古文辨聲音而因字母著韻書四卷其教諸生有欲習科舉者皆弗許常以闢異端禁邪說扶植名教爲務張士誠據吳授湖州學正不赴以布衣終

節馮志  
引康熙志

王鑑字明卿真定安平人少卓異不羣及長益耿介勵名節嘗學於虞集惟明義理適體用

不以記誦詞章爲工獨喜唐人近體詩時有賦詠皆平實沈毅游燕都朝貴交薦試侍儀司舍人鑑辭曰吾雖不敏安能爲人所役哉歛裳宵遁因父瑁爲吳縣尹謝事居吳鑑入定省出則從縉紳諸老講究經義隱居二十餘年家無儋石儲應門獨一老婢客過輒叩鄰家問酒酒至對客劇飲善談論然不及時事亦不以私干人張士誠入吳獨造廬訪之鑑每勸以仁義得民士誠嘉納語人曰明卿高世士也吾之益友至正丙午鑑疾篤士誠遣善醫診視竟不起卒年七十三無嗣士誠深加悼惜令有司恤其家爲買地橫山葬焉

節馮府志  
引陳墓志

陳徵字明善江西人嘗從吳激遊其學務明理不求榮進寓吳中讀書鼓琴虞集揭傒斯咸推重之

節馮府志引  
江南通志

于立字彥成南康人故宋名將家子博通古今學道會稽山中得石室藏書遂放浪江湖愛

吳山水清曠因寓焉

節馮府志引  
張利人物傳

林寬字彥栗樂清人父爲崑山主簿留居姑蘇寬七歲能屬文十歲盡記誦六經十二以書干東平徐子方召問經義條對響應目爲神童寬爲學益力父恐其致疾禁夜讀寬密藏

火俟親寢潛起徹誦至旦十七喪父衰絰不去身哀毀過節家素貧能自立從遊甚衆年

二十九卒

節馮府志引吳中人物志

李祁

馮府志云姑蘇志作祈

字一初長沙人元李齊榜進士歷官江浙儒學副提舉嘗與國子助教字

文公諒主洞庭東山葉國英家祁人品高尚胸次廓然其文不事剗剗而邊幅自然詩亦

如之

節馮府志引道光志

饒介字介之臨川人自翰林應奉出僉江浙廉訪司事張氏入吳杜門不出士誠慕其名自往造請承制以爲淮南行省參政家采蓮涇上日以觴詠爲事吳亡俘至京師伏誅釋道衍曰介倜儻豪放一時俊流皆與交書似懷素詩似李白然志大才疏無所成爲可惜也

自號華蓋山樵亦曰醉翁

節馮府志引列朝詩集

張介福字子祺自懷慶徙吳中少受學於許衡二親早終遂無仕進意家貧冬不能具夾襦或遣以紵絮不受纖介必以禮張士誠入吳有卒犯其家危坐不爲起刀斫面仆地醒復取冠戴之坐自若卒怪以爲異物走去介福恐發其先墓往廬焉士誠聞而欲致之不可使弟往問答曰無樂亂無貪天禍無忘國家饋之力辭病革謂其友曰吾志希古人未能

也惟無污於時庶幾哉遂卒

節馮府志  
引明史

楊維禎字廉夫山陰人母李夢月中金錢墜懷而生少時日記書數千言父宏築樓鐵崖山中聚書數萬卷去其梯俾誦讀樓上者五年因自號鐵崖元泰定四年成進士署天台尹改錢清場鹽司令狷直忤物十年不調會修遼金宋三史成維禎著正統辨千餘言總裁官歐陽元功歎曰百年後公論定於此矣將薦之不果轉建德路總管府推官擢江西儒學提舉未上會兵亂避地富春山徙錢塘自錢塘至雪川又由雪川居蘇州南北弟子受業者以百數其在錢塘與茅山張雨永嘉李孝光爲詩酒交在吳則與昆陵倪瓚吳興郊詔崑山顧瑛爲忘年友當風日晴暉雪月清霽祇命舟載酒妓挈儔侶訪瑛於玉山草堂中醉後披元鶴氅坐船屋上吹鐵笛作梅花弄殆忘人世洪武二年太祖召諸儒纂禮樂書以維禎前朝老文學遣翰林詹同奉幣詣門維禎不起明年復遣有司敦促賦老客婦謠一章進御曰皇帝竭吾之能不强吾所不能則可否則有蹈海死耳帝許之賜安車詣闕留百餘日所纂叙例略定卽乞骸骨仍給安車還山宋濂贈詩曰不受君王五色詔白衣宣至白衣還蓋高之也抵家卒年七十五

節馮府志引明史參王志堅府志稿  
曰鐵崖寓吳盧王二志不載案顧仲瑛玉山

草堂雅集明言其曾住吳又張雨有鐵崖新居曰書畫船亭作詩以寄云蘇州去訪楊雄宅近水樓居似水波東府官曹知者少西山爽氣留中多臺招天上仙人鳳池養山陰道士鶴誰和涼風吹鐵笛莫愁艇子柳枝歌則言如康國廟空室對慈山三善樹葉並出漆楊之寓吳寧矣馮振以入流寓是也故從之

邁里古思字善卿武威人寓吳最久有才名以進士起家爲紹興路錄事司達魯花赤以直

道得士庶心時遠近騷動遂練民爲兵數擊叛亂有功與浙省左丞楊完哲討方國珍往

往以法誅部曲名既上聞乃遷江東道廉訪使經歷改樞密院判又大出師以討不庭臺

端有忌之者使人擊殺之節馮府志引吳門補乘

王貞字以通元末避地吳下張士誠以德清教諭授之堅辭不屈馮府志引嘉靖淮楊志

明貞字以通元末避地吳下張士誠以德清教諭授之堅辭不屈馮府志引嘉靖淮楊志

董遠字仁仲天台人精朱氏詩及左氏春秋至正中試有司不中遂留錢塘潛心古學無意

科舉旋徙吳居天平山張士誠聞名奉書幣迎之不起使再及門乃避地錦峯吳元年徵

赴京師以沈默不稱旨謫居濠梁八年薦授莆田縣以循良稱卒年六十餘節徐傳光福志

張羽字來儀後以字行馮府志云姑蘇志更字附鳳本潯陽人從父宦江浙兵阻不獲歸與友徐賁約卜

居吳興領鄉薦爲安定書院山長再徙於吳洪武四年徵至京師應對不稱旨放還再徵

授太常司丞太祖重者文十六年自述滁陽王事命羽撰廟碑尋坐事竄嶺南未半道召

還羽自知不免投龍江以死羽文章精潔有法尤長於詩作畫師小米

節馮府志引明史

焦白淮南人寓吳中倜儻有奇氣張士誠時辟湖州教授不就去隱海上以詩自適家貧甚

採橡實自食有富家子以數幣求學詩白不受富家子強投之候其去竟委之道上太祖

既下吳詔所在蒐儒白變姓名逸於邑之林氏郡守知而訪之竟逃洞庭山中

馮時可寶善編

徐賁字幼文其先蜀人徙常州再徙平江工詩善畫山水張士誠辟爲屬已謝去吳平謫徙

臨濠洪武七年被薦至京九年奉使晉冀有所廉訪暨還檢其橐惟紀行詩數首太祖悅

授給事中改御史巡按廣東又改刑部主事遷廣西參政以政績卓異擢河南左布政使

大軍征洮岷道其境坐犒勞不時下獄瘦死

馮府志引明史

朱鷺字白民吳江人初名家棟少肄府學有俊才家貧授徒以養父母承顏順志以老萊子

爲法父死乃謝青衿芒鞋竹杖獨遊名山所至畫竹以自給嘗入華嶽登天井黃冠道服

見者皆以爲仙初好老氏學解道德參同之旨晚棄歸禪參雲棲憨山二老結茅蓮花峯

下年八十逝

徐傳光

福志



李幹字貞臣睢州人仕元爲許州同知後以戶部侍郎佐擴廓軍兵敗俘至鎮江已而選入

司農司議禮律官制皆預焉及建六部以爲吏部郎中兼秦相府參軍召議藩封後斥居

寧夏又召入爲翰林待詔直內閣以老致仕來蘇依友人盛逮年八十六卒逮爲買地黃

山葬之幹通先代典章議論英爽一時稱之

馮府志引  
王賓撰傳

大小十餘卷

姜漸字羽儀諸暨人至正間僑吳中張氏時起爲淮南行中書左右司都事未幾歸能以著

述爲事洪武初徵拜太常博士卒漸學識超詣爲文溫雅平實

節馮府志  
引姑蘇志

孫作字大雅以字行一字次之江陰人詩以蘇黃爲師爲文醇正典雅動有據依嘗著書十

二篇號東家子宋濂爲作東家子傳謂他人之文束於理則辭不暢肆於辭則理不直惟

公折之則理勝闢之則辭嚴其推許至矣元季挈家避兵於吳獨載書兩篋張士誠廩祿

之旋以母病謝去客松江洪武六年召修日曆官至國子司業

節馮府志  
吳門補乘

清東隱居

吳福字好德鄞縣人洪武庚辰進士擢禮科給事中奉使琉球遇颶風中貴人以下皆禱海

神福惟戒舟師謹檣柁使回與修永樂大典尋奉使四川還拜江西按察司僉事有以親

郵被逮者三十餘家福爲辨析無辜即日奏出之遷禮部員外郎與修五經性理大全書

成升陝西右參政監夏鹽池聽民采取至是禁之福奏許其納課鹽則官量給之民甚便焉逃民匿漢中牛山時出寇掠福遣人諭降復業者三千餘人九載升福建右布政使時科銅鑄錢頗擾民奏以庫貯廢銅代之以年至乞致仕愛吳中山水之秀遂占籍爲吳縣人年七十卒葬烏龍山子憲性至孝母喪過哀事庶母尤孝謹嘗以居室讓諸弟僦屋自處後薦授高郵州訓導節馮府志引乾隆志

陶俊字靖侯定遠人祖蠶哥明初以功授右府都督僉事世襲指揮使隸龍驤衛俊襲職尋

調蘇州衛右所永樂七年從征交趾戰殉賊子關賜葬於吳縣索山籠子孫遂家於吳馮府志

志引道

朱先字後之嘉興人後授官蘇州衛因家焉起家武舉嘉靖癸巳倭犯海上先請於督撫募

海濱鹽徒爲一軍自胡宗憲爲御史至總督皆倚任先大小數十戰皆先登殺倭甚衆以

功授都司宗憲被逮先解官護行宗憲釋還先乃歸御史按福建巡撫王詢侵軍費檄先

證之先曰先王公部將也不敢誣府主御史怒坐先萬金論死繫獄八年始白萬歷初用

李薦起圖山把總歷薊鎮南兵營參將副總兵後數爲廣東福建總兵以年老謝事歸先爲

將有膽智其處宗憲詢二事時論以爲有國士風

節馮府志  
引乾隆志

周天球字公瑕太倉人年十六隨父徙吳仍就州籍試補府學諸生從文徵明遊治經生業

名日起年四十患奇疾遇神醫得瘡卽棄諸生肆力詩文兼善大小篆古隸行楷法海內

慕其書者輻輳一時豐碑大碣皆出其手都中貴人爭相延致天球反以爲慙辭歸求書

者益多性爽邁不屑世故父歿與二弟分甘共暖其姑姊妹親鄰寡居無依者咸藉舉火

感文徵明接引設像中堂歲時奉祀年八十二卒無子以外孫施允昌爲後

節馮府志  
引乾隆志

孫一元字太初不知何許人問其邑里曰我秦人也嘗棲太白之巔故號太白山人或曰安

化王宗人王坐不軌誅故變姓名避難也一元姿性絕人善爲詩風儀秀朗蹤迹奇譎烏

巾白袷攜鐵笛鶴瓢遍遊中原東踰齊魯南涉江淮歷荆抵吳越所至賦詩談神仙論當

世事往往傾其座人嘗避地於吳吳中詩人黃省曾輩皆狎焉鉛山費宏罷相訪之杭州

南屏山植其晝寢就臥內與語遂送之及門了不酬答宏出語人曰吾一生未嘗見此人

時劉麟以知府罷歸龍覓以僉事謝政並客湖州與郡人故御史陸崑善長興吳琬隱居

好客三人者並主於其家琬因招一元入社稱茗溪五隱一元買田溪上將老焉舉人施

侃雅善一元妻以妻妹張氏生一女而卒年止三十七琬等葬之道場山馮府志引明史

方太古字元素蘭溪人負氣慷慨見嫉於俗遊於吳楊君謙與談竟日夜不窮遂傾一時性

好高潔尤耽吟咏其詩散佚無存節馮府志引

宗伯昭宣城人父某嘗攜之見林見素見素才之性輕財好推解緩急無不周遂以俠聞然

非其意能讀書又不自多有所避來吳見文徵明輩遂傾焉王履約履吉兄弟皆為石交

時有和歌才亦相埒節馮府志引

蔣乾字子健父嵩金陵人事蹟見金陵瑣事乾能畫山水隱居蘇之虹橋破屋半間一介不苟八十

年如一日也江盈科為長洲宰表其廬曰東海冥鴻節馮府志引

何良俊字元朗華亭人少篤學二十年不下樓與弟良傅並負俊才良傅舉進士官南京禮

部郎中而良俊猶滯場屋與上海張之象同里徐獻忠董宜陽友善並有聲及官南京良俊

以歲貢生入國學當路知其名用趙貞吉王維禎相繼掌院事與相得甚歡居久之慨然

曰吾有清森閣在海上藏書四萬卷名畫百籤古法帖彝鼎數十種棄此不居而僕僕牛

馬走乎遂移疾歸海上復居金陵者數年更買宅居吳閶年七十始返故里節馮府志引

明史附見文

徵明傳

王圻字元翰上海人嘉靖四十四年進士除清江知縣調萬安擢御史忤時相出爲福建按察僉事歷官陝西布政參議乞養歸築室松江之濱種梅萬樹目曰梅花源杜門著述老而不倦又嘗卜居吳門與婦翁都穆商訂文史因著稗史彙編記吳中瑣事然其書紕謬

不少疑爲贗本

節馮府志引吳門補乘

王穉登字伯穀

馮府志云明史本傳長洲人王志堅府志稿云武進人少從父居郡之山塘已而還爲諸生入太學久客京師晚得吳縣錫帆運廢址構園其中邀家焉

今從之入流寓

四歲能屬對六歲善擘竈大字十歲能詩長益駿發有名嘉靖末遊京師客大學

士袁煒家煒試諸吉士紫牡丹詩不稱意命穉登爲之有警句煒召數諸吉士曰君輩職文章能得王秀才一句耶將薦之朝不果隆慶初復游京師徐階當國頗修恨於煒或勸穉登弗名袁公客不從刻燕市客越二集備書其事吳中自文徵明後風雅無定屬穉登嘗及徵明門遙接其風主詞翰之席者三十餘年嘉隆萬歷間以詩名者俞允文王叔承沈明臣輩聲華烜赫稱穉登爲最申時行以元老里居特相推重王世貞與同郡友善顧不甚推之及世貞歿其從子士驢坐事繫獄穉登爲傾身救援人以是重其風義萬歷中

詔修國史大學士趙志皋輩薦程登及其同邑魏學禮江都陸弼黃岡王一鳴有詔徵用未上而史局罷卒年七十餘子留字亦房亦以詩名

節馮府志引明史馮又據文梅青

生入南雍受知於祭酒馮夢禎爲人拘謹自好後舉子業專攻詩文山居二十年足不入城市蓋避世無悔者案梅於無曲兄弟爲淵物乃記中絕口不言留以留雖有才名而行無足取也據此則明史應錄無曲而刪留今顧反之不知何故俟考

趙宦光字凡夫太倉人祖汴舉鄉試第一成進士父樽生亦隱士宦光少入貲爲國子生豪

華自喜中歲折節讀書不肯蹈常襲故廬居寒山親墓旁手闢荒穢疏泉架壑儼如圖畫所著書幾數十種尤專精字學說文長箋其所獨解也篆書亦精絕妻陸博學能詩文嫻婦德或比之鹿門偕隱而詞章翰墨遠出夫上子均字靈均從父傳六書之學又從燕山僧授大梵字并諸字母父子自相講習遂得其精

節馮府志引文震孟傳

沈琬字季玉號懋所吳江人萬歷二十三年進士甫釋褐以母老乞歸母喪服闋補鳳陽教授轉南國子監學正遷南刑部主事歷郎中出知東昌府爲政訟簡刑清獄庭草生尋以治行第一擢山東副使萬歷四十三年山東旱蝗巨盜劉好問等嘯聚爲亂僚屬畏禍咸託故去琬兼數篆發廩賑給禽盜魁斬之招集流亡置常平倉立義冢明年麥大熟乃乞

致仕士民臥轍改衣輿始得離境及卒東昌人祝之學宮玩好禪理少時欲爲僧兄琦禁之親教之讀遂與兄同年登進士第每之官必輿櫬自隨布袍蔬食卽俸金亦貯庫不入舍家既貧官刑部時值吳中大饑諸子皆緣岸采蕪菁煑食歸後屏居吳山從牖隙中度飯食子弟罕見其面人謂其廉介不減吳隱之云

節橫金志引松陵文獻吳江志沈氏詩錄合纂

董其昌字玄宰一字思白華亭人萬歷己丑進士改庶吉士除編修出爲湖廣提學副使召入爲太常卿歷遷禮部尙書追諡文敏其精思力學以書畫見推海內有別業在寶華山

陽爲予告後讀書處

節橫金志

陳繼儒字仲醇松江華亭人幼穎異能文同郡徐階特器重之長爲諸生與董其昌齊名太倉王錫爵招與子衡讀書支硎山王世貞亦雅重繼儒三吳名下士爭欲得爲師友通明高邁年甫二十九卽取儒衣冠焚棄之隱居崑山之陽構廟祀二陸草堂數椽焚香晏坐意豁如也時錫山顧憲成講學東林招之謝弗往親亡葬神山麓遂築室東佘山杜門著述有終焉之志工詩善文短翰小詞皆極風致又博聞強識經史諸子靡不校核或刺取瑣言僻事詮次成書暇則與黃冠老衲窮峯泐之勝吟嘯忘返足迹罕入城市黃道周疏

稱志尙高雅博學多通不如繼儒其推重如此侍郎沈演及御史給事中先後論薦屢奉詔徵用皆以疾辭卒年八十二自爲遺令纖悉畢具

節馮府志引明史

王醇字先民江都人早慧好讀書然不樂爲經生言工爲詩規摹少陵王孟之間其得意處不減古人文宗六朝雕鏤藻繡符於自然爲人煦煦泛愛而涇渭了然生平淡於名利然終日與名利人接亦無忤也晚讀佛書有所悟斷欲長齋手書大乘諸經凡數百卷久寓吳中遂欲卜居而不果天啓丁卯卒於揚州

馮府志引王志聖府志稿

范汭字東生烏程人徙居吳門鑿池種竹攻苦讀書沈酣唐人之詩諷詠其清詞麗句苦吟精思寢食盡廢引洞庭吳鼎芳爲同調務盡刊甘濃肥厚獻酬傭僱之詞視餘子蔑如也家貧落魄出游閩澳搜剔名勝垂橐而歸萬歷之季操黨議者多出茗雪間汭與之相抵拄一時詞客不爲汭許可者希貴人旨羣噪汭以此重困憤懣不得志輯全唐詩千餘卷抵手塚足迄無盪夕咯血數升以卒年四十四鼎芳定其詩四卷而序之以爲不傍古不緣今不拘律不適耦簡練純粹蓋神於法者

節馮府志引列朝詩集

吳拭字去塵新安人好讀書鼓琴仿易水法製墨遇通人文士倒囊相贈富人厚價購之輒



大笑曰勿以孔方兄辱我客卿也坐此大困遊吳門遇亂死海虞舟中毛晉爲收葬之上

馬良字子善臨安人來學於吳因家爲自幼巧慧於繪事尤精晚移崑山嘗作四天王象於

僧寺甚奇特盧公武作傳

馮府志引張利  
吳中人物志

曹德字子新無錫人來吳師錢氏爲兒醫盡得其傳術加神焉徙居胥江診視投藥計日可

瘡一達官家以孫病迎德子告曰老父病瘡諸醫莫療德曰先瘡祖而及孫可乎兩日祖

孫並霍然起人始知德非專幼科也年逾九十無疾而終

馮府志引  
張鳳翼傳

楊補字無補號古農其先江西人父潤始徙長洲好讀書家貧工詩畫爲人孝謹重然諾崇

禎初游京師館閣諸公皆與訂交後與高淳邢昉金陵顧夢麟游刻意爲清新古淡之學

甲申聞變歸於鄧尉南都再建柄國之人多舊游屢趣之出不應與同鄉徐汧最善汧爲

馬阮所構甚急補之金陵詣所知楊文驄責以大義遂得解汧將自沉就補謀死所殉後

補哭之極哀鬱鬱數年卒年六十子炤字明遠髫歲能詩長爲諸生乙酉後棄去奉親以

隱更字潛夫不與人事

徐傳光  
福志

吳傳鼎字禹存休寧人一字雨岑隱吳門楓江之市雨岑幼失學長乃發憤勤讀好延納文

士於賢人隱君子尤尊敬之徐高士昭法不輕受人贈遺惟兩岑饋之輒受不辭也

初月樓聞

錄見

路澤溥曲周人官中書故相文貞公長子僑居洞庭東山

見鮑琦亭集

顧亭林有路舍人客居太

湖東山三十年詩曰翡翠年深伴侶稀清霜憔悴減毛衣自從一上南枝宿更不同身向

北飛

採訪稿

郝太極雲南晉寧州人天啓中奢安之變守霑益有功國變後隱於醫賣藥吳之上津橋顧

亭林贈以詩曰曾提一旅制黔中水閣諸曾指顧空入楚廉頗猶未老過秦扁鵲更能工

風高劍佩蛤川外水沸茶聲鶴澗東橋畔相逢不相識漫將方技試英雄

採訪稿案宜統初年開馬路

工人於北濠東山廟左近掘得一石椁相傳爲卽郝將軍葬處然無碑碣可證或謂冢別有所在俟考

清

沈元掄字叙彝崇明人忠節公廷揚子爲諸生有文名廷楊殉難元掄葬父於虎邱

案冢墓門沈廷

揚墓在虎邱東麓

廬墓數年後遂隱於上沙自號大樵山人與徐高士昭法友善大吏招之不出

著書以終老

案上沙今有大樵山人墓而廷揚墓則冢墓門明謂在虎邱東麓馮府志云元掄葬父於吳中上沙村廬於墓遂隱居焉與沈氏譜不合今據訂正

劉獻廷字君賢大興人先世本吳人至獻廷復寓吳其學主經世自謂於聲音之理別有所窺著新韻譜自華嚴字母入參以天竺陀羅尼泰西蠟頂話小西天梵書暨天方蒙古女直等音又證以遼人林益長之說囊括浩博學者驟見或未能通也論向來方輿之書多詳於人事而天地之故概未有聞當以諸方北極出地爲主定簡平儀之度制爲正切綫表而氣節之後先日蝕之分杪五星之陵犯占驗皆可推矣燕京吳下水皆東南流故必東南風而後雨衡湘水北流故必北風而後雨諸方山水之向背分合皆當按籍列之而風土剛柔陰陽燥濕之徵可以次第而求矣其論水利謂西北乃二帝三王舊都二千餘年未聞仰給東南何則水利修而溝洫通也自劉石雲擾訖金元千餘年人不知水利爲何事欲取二十一史關於水利農田戰守者詳攷其所以然附以諸家之說爲之疏爲異日施行之具又言朱子綱目非親筆多迂而不切當別作紀年一書凡獻廷所撰著非一人一時所能成故言之甚殷而難於卒業亦其好大之過也又言聖王治天下自宗法始無宗法天下不可治宜特爲一書以發明之而其書亦未就生於順治戊子歿於康熙乙亥生平蹤跡自燕而吳自吳而燕而楚復歸於吳方謀結茅著書不一年死矣所傳僅廣

陽雜記一種其弟子黃宗夏所輯者

節馮府志節全祖望傳略參王源纂表

陶澂字季深寶應人以字行又去其複字止稱季四方識與不識咸目曰陶季季早失怙恃

崇禎末天下亂挈妻子避地吳趨有運期德耀之風福王南渡後棄諸生不事肆力於詩

古文詞性耽游覽游屐所到聲名翕然其所著書多於舟車得之因名舟車集

馮府志引吳門補乘

吳彥芳字友聖長樂人順治壬辰進士授中牟知縣丁繼母憂不能歸里寓山陰既而遷於

蘇服闋無意仕宦徜徉山水以觴詠自喜閩撫范承謨將迎之以歸范殉耿逆之難彥芳

遂終於吳

節馮府志引江南通志

沈荀蔚字豹文太倉人父雲祚明崇禎十五年以進士知華陽縣張獻忠陷成都雲祚罵賊

死荀蔚方八歲與母妹及舅張士偉逃匿邛州洪雅山谷間數遭刼奪至雅州父友監軍

道范文艾見而憐之送居乾壩而檄士偉署洪雅縣事未幾士偉卒土酋葛祐明作亂復

入八面山中潛匿不出初避賊時士偉於敗甲中得殘編以課荀蔚由是遂通文藝久之

以眉州籍應試補諸生誦讀之暇追憶往事博采傳聞作蜀難紀略後母歿妹嫁彭縣趙

氏子然一身飄泊無所嘗赴友人約至天全土司又遭高承恩之亂竄逐懸崖絕壑間屢

瀕於死順治十六年清兵下川東道稍通乃至成都求父遺骸不得慟哭而還已遇金陵彭文煒自保寧通判遷襄陽知府挈以行過新灘舟沈又幾死至康熙四年夏始得歸時大父母長兄皆久歿因母卹遂家於吳初雲祚死節傳聞異辭至荀蔚出所撰蜀難紀略并范文艾所作傳上之史館乃得列於明史荀蔚以覆巢孤兒流離兵燹出萬死一生中卒能表揚先烈以學行顯於時人無不重之者

節馮府志  
引乾隆志

葉燮字星期號已畦吳江人康熙庚戌進士授寶應知縣以伉直忤巡撫慕天顏被劾歸里燮天才卓犖長詩古文詞千言立就其論文以能自立言爲主詩宗杜韓蘇三家既放廢徧游名山胸有感觸一發於詩晚居吳之橫山構小園顏曰獨立蒼茫處著述其中學者稱橫山先生巡撫宋犖重其名嘗減從來訪辭不見犖曰獨立蒼茫處容一立否延佇久之乃去燮亦不往報也卒後新城王尙書阮亭謂其詩古文鎔鑄古今自成一家每怪近人稗販他人語言以爲文者譬之水母以蝦爲目蟹不能行狙獺負之乃行夫人而無足無目則已矣而必藉他人之目爲目他人之足爲足安用此碌碌者爲先生卓爾孤立不隨時勢爲轉移然後可謂之立言云云洵定論也所著有已畦文集二十卷詩集十卷原

詩四卷殘餘一卷及吳江寶應陳留儀封等縣志並行於世

節橫金志引吳縣志吳江志沈德潛傳合纂

方殿元字蒙章番禺人僑居蘇州康熙甲辰進士知江寧縣改郟城皆有惠政引疾歸吳本殿元達於學能以經術飾吏治所著環書上下篇講性命之學卓然成一家言詩文皆有原本尤長於樂府長子還字冀朔太學生克承家學次子朝字東華太學生幼病目遂謝舉子業肆力詩古文所作多超詣行草亦疏宕可愛事親孝待兄弟友愛篤於交誼能闕人之急卒年六十

馮府志引乾隆志

郁聖揆字紹虞自太倉徙吳少篤孝父病目舐之而瘡後疾甚嘗糞以驗瘥否母病與妻吳

焚香請代應禱而愈親物晝夜號哭聞者傷心康熙二十五年巡撫湯斌趙士麟連疏請

旌

節馮府志引乾隆志

邵點字蘭雪餘姚人遷蘇少孤事母孝刻苦爲文工書得虞褚法畫師雲林入都游太學見

知於柏鄉魏裔介施閏章亦與之游五試不售卒於京

節馮府志引乾隆志

閻若璩字百詩淮陰人諸生康熙十七年召試博學鴻詞不中寓都門徐尙書乾學雅重之後乾學奉敕修一統志開局洞庭東山招若璩入局故若璩流寓吳門頗久乾學輯其緒

論曰閻氏碎金

李元度先正事略

若璩自著諸書博大不及顧炎武而精瑯過之

節馮

續台

楊賓字可師山陰人少穎悟八歲能作擘窠書及長以刑名經濟之學佐大吏幕好著述兼善書法才高氣豪名重一時初賓年十三父春華坐友人累偕妻流寧古塔康熙己巳聖祖南巡賓偕弟寶迎叩御舟請代父戍不許遂至寧古塔省親途中墮馬幾隕及父殉於戍所復詣闕泣請歸骨而格於例遍訪舊案始獲一卷據以請部議從之乃迎母奉父柩葬於蘇遂家焉卒年七十一

節馮府志引乾隆志

黃叔琳字崑圃直隸宛平人康熙辛未賜進士第三人以吏部侍郎巡撫浙江修海塘借庫帑完工無以償羈滯吳門四方名流寓吳者輒謁之愛才如渴聞人一長稱揚之使成名人士不得其所者爲謀館穀或典衣周之留吳十年赦歸起復山東布政使內陞詹事

節馮

府志引道光志

邵觀字見可順天大興人年十六隨父徙蘇州康熙甲子以原籍舉於鄉辛未成進士初授山東青城令蒞事明決案無留牘奸吏莫能欺捐俸開邑之窪地爲長渠瘠土以沃五載課最行取遷御史康熙五十年陞太僕少卿轉大理少卿凡遇三法司會議有情罪不協

者必爭之上知其才擢僉都御史遷奉天府尹卒於官弟泰字峙東號北崖康熙辛丑進士官編修在館未久卽告歸養母二十餘載善詩古文辭

馮府志引  
道光志

劉默字默生錢塘人僑居郡城專諸里以醫名遇危症能收奇效

馮府志引  
康熙志

凌大寒字寒林烏程人館支硎中峯書畫超邁不可一世而世無知者汪縉甚重之兼工詩

先以刑名見重邑宰以疑獄殺人既而悔之棄其學隱中峯終

節馮府志  
引道光志

錢大昕字曉徵世居嘉定盛涇十歲能文稍長學爲詩賦十五入學督學使者劉藻嘗語人

曰吾視學江南所得士惟王生鳴盛錢生大昕兩人耳乾隆辛未高宗巡幸江浙迎鑾獻

賦召試一等二名以內閣中書用甲戌登進士第改庶吉士卽與河間紀昀編纂熱河志

館中有南錢北紀之目散館授編修辛巳上幸五臺回蹕特出游千佛洞詩命大昕廣和

戊寅癸未兩次大考皆入優等洊升翰林侍讀學士入直上書房歷典山東湖南浙江河

南鄉試督學廣東皆稱得士晚以病乞歸先主江寧鍾山書院後主蘇州紫陽書院士子

駁駁向化并有遠方好學之士負笈來游者大昕於四部書無不窺性強記經史半能背

誦與人言某事在某書某卷抽檢十無一爽尤精九章推步布算無遺古今郡縣分合遷



改無不瞭然

節馮府志  
引道光志

水入流寓藉供工山水圖并寶蓋球再衣卦午錄昌字念麻題琴

畢沅字纒衡鎮洋人幼穎悟稍長讀書靈巖山乾隆癸酉中順天鄉試授內閣中書入直軍機處庚辰會試第二廷對西域屯田事宜高廟親擢第一是歲定新進士十名於讀卷日引見沅儀觀秀偉進止有度天顏甚喜授修撰遷左庶子充日講官起居注上耕藉御觀稼臺沅侍直時布穀鳴於林上問布穀與戴勝是一是二沅對布穀卽戴勝見鄭注應詔賦詩稱旨是冬授甘肅鞏秦階道歷升陝西巡撫修周公墓訪其後裔置五經博士甘肅逆回作亂沅安撫陝地回民調兵助勦上心嘉悅賞給一品服雙眼花翎調撫河南適遇大旱救災賑困轉歉爲豐柘城民變調兵往勦立時撲滅升兵部尙書兩湖總督苗疆有警沅移駐辰州督運軍儲無缺湖北白蓮教匪作亂陷當陽縣沅督兵火攻復其城仍往辰州以炎瘴致疾歿於辰先是沅以年老有歸田之志營靈巖山館饒泉石之勝然未嘗一日安居也其後子孫家於吳沅好汲引後進一時文士多招至幕府尤好著書所撰甚富

節馮府志引  
大昕撰墓志

果用石而所獲銅銀錢皆其私藏軍出關入澤而沅亦嘗著書

胡景

原名梅晚  
更名景

字眉峯華亭諸生寓吳年十九題詩於虎邱石壁爲朱笥河先生所見招攜

入都筭河爲風雅宗天下名流出門下然常曰妙才黃仲則奇才胡眉峯王文端劉文清  
合詞薦修明史未果用已而佩囊韉躍馬從吉林將軍出關暨入都而廷議裁巡臺御史  
量走告二公曰果爾則臺民必叛卒有林爽文之變畢沅防陝回孫文靖征安南以不用  
其策而敗晚年流寓揚州酒酣耳熱縱談南北邊形勝阨塞述古人成敗之迹如指掌所  
爲詩皆奇氣盈涌不可控制未幾妻子俱物益顛躓吳中至木瀆居義學訓村童數年而  
卒年七十二據蘇舟雙楫纂包慎伯序其詩

段玉裁字若膺金壇人生而穎異讀書有兼人之資年十三入學有時名乾隆二十五年舉  
江南鄉試歷官貴州玉屏四川巫山知縣引疾歸卜居吳郡楓橋閉戶著書治音韻訓詁  
之學卒年八十有一節馮府志引王念孫撰墓志

印鴻緯字庚實世居寶山父憲曾爲監紹台兵備道有四子鴻緯其季分居吳縣在家能順  
親志事兄撫諸子無失理待友有信義鄉鄰稱賢嘉慶元年詔舉孝廉方正有司以鴻緯

應選衆以爲當

馮府志引姚鼎撰傳

翟大坤字子原號雲屏秀水流寓蘇州工山水間作寫意花卉亦佳子繼昌字念祖號琴

峯亦工山水兼及翎毛人物時有大翟小翟之日

節馬府志  
引道光志

徐臻字茂堂鹽官人工詩好遊足迹半天下晚卜居靈巖山南

馬府志  
道光志

引

張詒字景謀崇明人爲諸生試輒冠曹乾隆己酉以拔貢生入都廷試罷歸嘉慶元年舉孝

廉方正歷主靖江安東如皋江陰書院晚以疾卒於蘇州尙書卷詒虛已服善篤於師友

工詩文

馬府志引呂  
星其撰傳

曹銳休寧人僑居閩門外白蓮涇善山水得婁東王存懷指授其渾古處尤得石田翁筆意

官京師任兵馬司指揮名噪都中然王公貴人乞其片紙不可得遇山人詞客往往累幅

以贈生三女長貞秀善書歸王國博芭孫

馬府志

引

舒位字立人大興人乾隆戊申舉人父翼官廣西永福貳尹年十四隨父之任讀書署後鐵

雲山故自號鐵雲於學靡不究而尤工於詩嘗客黔西時南龍仲苗反威勸侯勒公聞位

名召至軍中掌書記有苗女從征者曰龍么妹欲以歸位位辭之勒公移督四川邀位行

位又以母老辭其母吳人也位體母志移家吳中然貧無以供菽水仍幕游湖湘間歲一

歸省後客真州母物星奔而歸歸而病以毀瘠死位詩博奧剏獲橫絕一世精音律書各

體皆王兼明畫理山水花鳥人物草蟲俱師青藤老人有奇氣

馮府志

印康祚寶山縣增生鴻緯子少席纓絨負雋才跡弛自異久客揚州廣交游豪施與遇所意

合傾囊不吝中年後居吳閩閉戶寂守時邀一二素心友作山水近游興盡輒止平生金

石書畫考證極精作詩不求工取適已意小文短札雅近涪翁歿後同人搜羅散佚得詩

詞雜文二卷刻之題曰鷗天閣遺著

節馮府志引程庭鸞撰傳

朱琿安徽涇縣人嘉慶壬戌進士授編修再轉至侍講以事降編修轉贊善一充山東鄉試

副考官再充會試同考官以母病乞歸遂不出先世本吳人自吳遷婺源自婺源遷涇既

歸主講江寧鍾山書院移蘇州正誼書院又移紫陽書院

節梅會亮縣志

在吳久與吳人士習有

女嫁於吳已買屋金獅巷爲吳人道光末以東南多故歸涇旋卒年八十有二琿精於經

學小學著書甚具

節馮府志

方燮字子和江西人僑居吳中擅八法姿致魄力俱勝尤工徑丈大字年逾七十益臻老境

間寫墨竹清挺灑落得石室老人意又學南宮房山墨戲渾古簡厚非畫家所及妻虞氏

金壇人好畫墨蘭

節馮府志引墨林今話

小大鑿小鑿之月

蘇州府志

蘇州府志

朱昂之陽湖人善山水下筆遒勁出入宋元於思翁堂奧尤深造有得壯年游京師與江都朱本秦州朱鶴年齊名號三朱晚年流寓吳門名益重間寫蘭竹花卉皆超逸有致書法在米董之間四方輦金幣求書畫者無虛日昂之虛懷自抑恆言吾畫一動筆被王惲諸家所縛不能出其範圍一藝之成固非易事聞者彌嘆服焉年七十餘卒

節馮志

姜漁字笠人巢縣人花卉師陳白陽徐青藤亦擅翎毛筆力開展漁亦深自矜貴索其畫者非多金不能得然遇素心則又揮灑不倦後寓金閶筆墨益爲時重金陵朱昂之見其所畫元鶴嘆爲古人復作特往訪之排門直呼曰我尋元鶴道人來也握手譚藝彼此心折

節馮志引  
墨林今話

馮箕字子揚號樓霞錢唐人流寓郡城擅人物士女其構思運筆不泥古法亦不落時蹊別

饒韻勝自成一家

馮志引  
墨林今話

黃鞠字秋士松江人畫山水花卉得力於南田石谷居多花卉能作巨幀大葉粗枝彌有神趣亦工人物士女尤精製圖布置熨貼

墨林今話

道光咸豐間賣畫吳門所居委巷頗僻靜庚

申四月寇氛日逼鞠堅不肯徙城陷遂及於難

馮志

程庭鷺字序伯嘉定人諸生早歲卽至吳門問業於錢唐陳大令文述留吳數年詩古文詞外書畫篆刻無不佳妙尤以詩畫篆刻著名詩學浩翁頗有似處畫筆清蒼渾灑逼近檀園篆刻由丁黃以溯秦漢中年以後往來吳越間名益噪年六十二歿於嘉定

馮府志

劉泳之字彥冲四川梁山縣人祖維五官江蘇某縣縣丞父致敬從宦來吳娶於吳王氏終身依王氏泳之生四歲而孤及長能讀書爲詩古文辭以未箸籍不得與試故不事舉子業家貧未娶母病服勤致疾母歿疾益劇遂卒年三十有九吳中鮮族親其友與門人輩葬之於吳縣福壽山刊其遺著又具孝行事實上之有司旌如例泳之嘗學畫於朱昂之稱高弟子性介潔不屑爲市道其物也無銖銖之積僅積樵古手迹一簞貨之得如千金喪葬悉取給焉

節馮府志

陳瑒字子璿江寧人生有異稟讀書數過終身不忘會通而貫串之經學史學小學天文輿地詩古文詞下及詞曲武備方術靡不習尤精於算學惟不工制藝試帖楷書屢躋大小試年二十七始入江寧學爲諸生咸豐三年金陵戒嚴瑒出城葬親方封而城已陷妻張自焚死自此與二子鴻鈞鴻峻流寓無定由滁州而蘇州蘇城陷避居太湖之衝山又至

上海以薦入廣方言館課算學病痢一夕而卒年五十有八生平著述甚多遭亂皆散佚

節馮  
府志

龔丙孫字子章上元人諸生先世多藏書丙孫幼慧徧讀之善鈎稽同異下筆嶄嶄有辟易

千夫氣概嘗著楊嗣昌論云有公罪十有八私罪七據本傳者十之三會通他紀傳者十之七見者驚詫自此遂知名咸豐三年江寧城陷丙孫逸出失其父乃爲乞兒裝朝暮過賊營輾轉物色得之竊負而逃避居窮鄉六年父卒乃至蘇州丙孫之甫出也撫部錢塘許乃釗爲食於路遇文士則留之試以詩文奇丙孫作延入幕他日屬以檄許疵焉丙孫拂衣起迹之逝矣既至蘇或聞其名介人乞誅母久不應人問之則曰彼爲母而不以二刺投我豈可應乎遇行輩長者執禮甚恭評削詩文如嚴師課弟子不少假借見者以爲狂其實狷者也寓蘇三年而卒年三十有三

馮府志

式到本平山閣香山人委香韻賦

筆帖式春熙春照滿洲鑲藍旗人前廣東南雄協副將玉德之子玉德以事罷職客死於蘇遂僑寓省城咸豐十年敵氛日逼春熙春照奉大吏檄督鄉團堵守四月十三日城破二人與敵苦戰力竭陣亡僕人張喜張寬李升亦死玉德之妻博爾濟吉特氏聞城破卽率

其婦高氏孫隆格僕婦靳氏劉氏侍女荷香蕙英閨門自盡

鄉志引昭忠錄

卷之二十四

余治字翼廷無錫人諸生道光咸豐間江浙有名余善人蓮邨者也道光中以善人著聲遠近者吳縣潘曾沂謝元慶治起稍後意與潘謝亦微異潘意專在養謝重在養而兼以教治重在教而先以養道光之季西人既就撫江浙方慶承平治獨作杞人憂若預知日後之兵火流離而思正人心以挽劫運其爲教條曰甚詳其尤重者廣義塾嚴規條爲蒙養之基禁淫書淫畫淫戲除蒙養之敵其宣講鄉約尤有實效咸豐四年江陰鄉民聚衆抗糧常州府知府某札治赴鄉勸諭治至楊庫居民惶惶詢知對江壽興沙有劇盜王錦標謀起事福山鎮總兵某已奉制府檄刻期進勦江陰縣知縣某忽以學憲檄至令治協捕治奉檄渡江抵壽興沙集沙民宣講鄉約治故嘗有德於沙民治所至沙民蠲聚環聽有泣下者治知其心動卽傳學憲令速縛盜魁以獻餘黨皆弗論明日禽錦標及南岸盜首薛嘉禾至餘黨解散六年禽楊庫北渚盜首王和尚等亦如之皆不煩一兵八年大吏敍治功由附生保舉訓導加光祿寺署正銜同治二年以團防功賞戴藍翎五年移家蘇郡十三年卒於蘇寓年六十有六治之疾也有僕陸慶斷一指和藥以進得附書

節鄉志



何紹基字子貞晚年自號媛窳湖南道州人舉道光乙未恩科鄉試第一明年成進士改庶吉士授編修歷典福建貴州廣東鄉試提督四川學政以言事罷吏議去官先後主山東濼源書院長沙城南書院浙江孝廉堂講席遂流寓蘇州紹基幼慧能文於諸經設文攷訂之學者之尤深旁及金石圖畫篆刻律算博綜覃思識解超邁古文取法馬班昌黎詩宗淵明太白杜韓白蘇書法胎原魯公融會北海東坡自成一兼工篆隸善飲好遊蹤跡幾徧天下同治十二年卒於蘇寓年七十有五

節馮府志子慶  
誦自爲墓表

汪樞字鏡芸新陽縣貢生生平多義行嘗出貲於閩門外江村橋置巨屋數十間收養難民咸豐二年江北迭遇兵疫樞遣人往辦掩埋事棺木不敷則以毛氈代之三年粵軍入江寧吳中有力之家聞警多避它處吳士業課徒者皆無所依歸書院停課膏火亦不繼樞遂倡舉文會俾不荒其業并厚給獎金以補助其家士咸感之平時勗子弟曰書院之有膏火原爲輔佐無力者而設汝曹欲作文儘可在家塾爲之母奪貧士之生計也其體恤寒峻如此時洪楊之勢已蔓延各處蘇地開辦籌餉捐定例凡捐若干者得廣學額一名又捐若干者准永廣學額一名樞以子克昌等兄弟三人皆隸新陽學統先後所捐之數

身 縣 志 卷 之 一 六 十 五  
擬請永廣新陽學額三名迨榷物主其事者以所捐併入附郭三縣後人常以爲憾又工  
六法著有烟雲過眼錄三卷蜚香閣藏書錄不分卷蜚香閣所藏書畫碑帖經亂均散佚  
家述

費學曾字繩齋武進人始入貲爲北河州判累擢天津保定二府遷清河道以守城功錫花  
翎二品銜署按察使其政績以天甯寺一役爲最著咸豐庚申八月西人犯京師顯廟幸  
木蘭恭忠親王留守盟有日矣九月八日忽中變萬衆愕眙學會獨匹馬貫敵陳要其會  
額羅金噶囉定約而歸當是時名聞天下歲庚午引疾去官居吳門三十年卒嘗舉橫沙  
田八萬畝盡畀南菁精舍子念慈光緒己丑進士浙江鄉試副考官

釋登孫  
墓志

費延釐字芸舫吳江縣人延慶季弟咸豐九年舉人同治四年進士翰林院編修十二年視  
學河南光緒五年典福建鄉試尋遷詹事府左春坊左贊善轉右中允以兄延慶喪歸幼  
與兄皆劬學純孝鄉鄰稱之究心經世之務尤邃於說經在河南以整躬帥俗勵己以研  
經澤古誠士奏請河間獻王張清恪公從祀文廟報可又請停止捐納下部議行置十三  
經注疏資治通鑑於大梁書院士風丕變典試閩中值正考官文澂病甚獨閱八千餘卷

榜發所取皆知名士同朝以其所至有聲謂且大用樞相沈文定桂芬寶文靖璽尤器重之既聞兄訃卽日急歸會司經局洗馬缺出以資俸延釐應補掉首不顧雖師友敦勸輒以病辭兄喪解官於古有之晚近未之聞也爲人嗜善若渴在都親督圓通觀梁家園諸義廠在豫施巨金撫災民存活無算在里循父兄遺緒見善無不爲光緒十五年吳中大水馳書中外貴人請獨征發帑聞於朝悉報可乃與里中諸老通籌賑務至廢眠食里人至今頌之蒐討昔賢述作師友詩文輯訂付刊不下數十百卷朋輩有緩急傾囊助之無少倭光緒九年遷吳與其地耆舊及流寓諸賢文酒往還當道式廬報謁而已有請主書院或就咨公事概謝之時震澤吳仁傑以祭酒新陽朱以增以府丞先後乞歸人謂之三

高而延釐名尤著十九年卒

節制宗華錄洪良品撰  
墓志參撰文選撰縣表

王祖詢字次歐浙江秀水人生六歲卽能懸腕作擘窠大字縑素請屬交踵於門迨長專法率更名滿藝林以光緒辛卯科優貢壬辰朝考一等一名授湖北通城縣知縣時南皮張文襄督鄂銳意新政每與暢論時事及經史源流汨汨終日動中冑要無倦容文襄極意嘆賞擬卽調署首縣兼院幕事以資臂助祖詢堅請游歷各國攷察政學先至日本次歐

美乃赴日未幾文襄累函促歸道出吳門卒於時疫手校經籍善本至數千卷家有二十

八宿研齋藏書

采節 訪稿

俞樾字蔭甫浙江德清縣人九歲戲爲書自注其下著述等身至老不倦實兆於此年十六

補縣學生道光丁酉科副貢生甲辰恩科舉人庚戌舉禮部試殿試賜進士出身改庶吉

士覆試詩有花落春仍在句爲曾文正所激賞謂詠落花無衰頰意與小宋落花詩相類

後遂以春在堂名其全書志知遇也咸豐二年散館授編修乙卯八月簡放河南學政奏

請以公孫僑從祀文廟及聖兄孟皮配享崇德祠並邀俞允甫二載以人言罷歸僑居蘇

州主講蘇州紫陽上海求志德清清溪歸安龍湖各書院而主杭州詒經精舍至三十一年

之久爲歷來所未有其課諸生一稟阮文達成法王侍郎昶孫觀察星衍餘緒樾復起

而振之兩浙知名之士承聞訓迪蔚爲通材者不可勝數門人爲築俞樓於孤山之麓先

後着書卷帙繁富而羣經平議諸子平議古書疑義舉例三書尤能確守家法有功經籍

其治經以高郵王氏父子爲宗謂治經之道大要在正句讀審字義通古文假借爲尤要

其所著羣經平議則繼王氏經義述聞而作諸子平議則願附讀書雜誌之後古書疑義

舉例則小變經傳釋詞之例而推衍之迨俞樓雜志曲園雜纂茶香室經說諸書出其析疑振滯皆與前書相仿或有精義較勝於昔其居吳猶及見宋大令翔鳳得聞武進莊氏之學故一發明聖人觀象繫辭之義玩易五篇則自出新意不主先儒舊說復作良宦易說卦氣直日攷續攷邵易補原易窮通變化論周易互體徵八卦方位說散見叢書雜纂中皆足證明一家之學古文不拘宗派喜爲詩工篆隸足不出江浙聲名滿天下同時如大學士曾國藩李鴻章尙書彭玉麟侍郎徐樹銘等咸傾心與交日本文士有來執業門下者其爲中外所重如此先是同治十一年樾子留萊官直隸大名府同知恭遇覃恩得請二品封典光緒二十八年重逢鄉舉浙江巡撫任道鎔爲援例奏聞遂得開復原官三十二年卒年八十有六三十三年准江蘇巡撫陳夔龍奏宣付史館立傳

節國史儒林傳及碑傳集

童叶庚字友蓮崇明諸生晚年自號睫巢又號松君由佐貳歷官至知縣以不解苞苴獲咎罷官寓吳所撰益智圖變前人七巧圖製而神明之刻木爲版凡十五備尖斜曲直方圓諸體以之推演爲圖先成一集肖山水人物及古器後成第二集肖字體及草木花果鳥獸魚蟲珍寶武器農具玩物仙佛婦女縱橫變化精巧無論又成第三集仿雲林居士黃

伯思之意製燕九圖晚乃專究書法始成陰隲文繼成千字文字無重複筆畫有繁簡而  
版數無增損積十年工力始底於成卒年七十有二節果稿

任道鎔字礪甫別字筱沅晚號寄鷗江蘇宜興人道光二十九年拔貢生廷試以教職用選  
泰縣學訓導蘇撫趙德轍知其才檄辦松郡軍需事數月集款六十餘萬咸豐七年選湖  
北當陽縣知縣奏留一年始赴任當陽故好訟道鎔隨訊隨結數載後訟遂稀會軍興需  
餉奉檄就境內勸募民樂輸將一示出二萬餘金立至同治元年調知江夏縣旋升直隸  
順德府知府時饑民倡亂道鎔禽渠散從不啻行所無事七年流寇張總愚北犯扼之沙  
河賊十餘萬夜渡漳河而至卽揮衆邀擊身受矛傷不爲卻郡境以全詔以道員用加鹽  
運使銜賞戴花翎郡有洺河界連二府一州歲久淤塞則牒商鄰郡同時疏濬又教民蠶  
織以興樂利曾文正薦其通達治體才可大用十年調知保定府清理積案甚多俄升開  
歸陳許道十二年秋汎中河以險告飛騎親臨督率搶護風雨中歷四晝夜轉險爲夷向  
時糜帑動至數十萬此役才二萬二千餘兩河督喬以勤恪聞詔加布政使銜光緒元年  
以卓異引見回豫署河南按察使旋陳臬江西陞見後署江西布政使以政事十六條攷

詢守令又以吉南諸郡水災捐施錢米修築隄防民胥賴焉其在臬使任積案有閱二十餘年更八九任未定者不數月三萬餘案皆結四年遷浙江布政使嚴覈釐捐杜絕中飽五年移藩直隸叙籌協西餉功賞頭品頂戴時直省水災賑濟如在江西時直隸州縣新故交替公私款項延不結算道銘勒限清結庫帑驟增二百餘萬七年升山東巡撫却某鎮苞苴某鎮恐懼求去卽爲請開缺屬吏莫敢干以私裁汰冗兵撤換統領泰山沂水間山路危險派兵開通行旅稱便未幾調撫浙江以事被議去官至二十一年起用朝命署理山東河道總督不久卽眞力除積習裁汰浮費在任六年公而忘私後以年老欲歸田屢請乃邀俞允儼居吳中購汪氏廢園營爲別業至光緒三十二年八十有四乃卒

節碑

傳續

王偉榮字雪汀秀水人寓吳意氣慷慨篤古嗜學工畫棊篆刻束髮從戎贊襄帷幄張勤果公曜倚之如左右手凡十有餘年由俊秀保至補用道加鹽運使銜光緒三年積勞病故於總理嵩武馬步全軍營務差次奉詔優卹贈光祿寺正卿賞銀治喪蔭一子以州判銓

選採訪

朱以增字禮耕號硯生新陽附生少孤露贅於元和顧氏妻父文彬時官刑曹工詞賦遂從學焉咸豐乙卯科膺京兆試領鄉薦年才弱冠同治乙丑成進士改庶吉士散館授編修光緒乙亥大考翰詹列二等拜文綺之賜丙子分校禮闈所得耆宿之士爲多旋補江西道御史巡視東南兩城轉戶科給事中時有江蘇糧道英樸大學士英桂弟也性貪黷每歲督運北上輒流連京邸恣意聲色公事多廢弛督撫以英桂故皆容忍之臺諫亦憚其家世無敢上聞以增獨具疏彈之詔下步軍統領榮祿查辦盡得其實英樸遂因此褫職同朝肅然吳縣知縣高心夔精小學能文章江西名士也恃才傲物有妓女已從良矣心夔誣以爲娼嚴治之妓怨憤自盡事聞於都門以增劾罷之未幾擢順天府丞轉奉天府尹兼學政持衡平允士論翕服會丁生母憂去官僑寓蘇垣杜門不出吳江祭酒吳仁傑中允費延釐適先後致仕一時目爲三高士云嗣後膺當道聘歷掌平江正誼紫陽三書院所取多知名士並勸募吳中紳富捐事竣獎加三品銜宣統辛亥重謁泮宮以增貌和易而性耿介其貢於禮部也典試爲大學士寶鋆方秉國鈞故一榜之士列館選者多擢清要每值鄉試輶軒銜命絡繹於途以增於師門非旅見未嘗一通私謁故官詞林十餘



年但一與分校之役人咸服其風節之高焉朱氏故有義莊在崑邑以增既辭官乃一意

贍族貧困者深蒙其惠云年七十九卒

采訪稿

宗瑞甫金陵人因粵軍至遷寓蘇州遂立業焉年踰七十卒幼孤依母鍾家居癸丑省城破母攜之南行至句容土橋鎮突遇敵兵遂與母及舅氏相失失母後痛不欲生念祖宗血食不能由已而斬忍死銜悲零丁尋訪至十有六年卒不獲遇後於土橋鎮左近遇一叟言其母畏禍自縊狀乃屬吳江陸恢繪圖徵詩以志哀

節陸恢題畫述略

汪乃昌字曙民新陽人寓吳以知府銜候選員外郎入湘軍淮軍幕積勞病故循例議恤加

道銜廕一子入監期滿以州判用

家述

汪銘慎字謹之新陽諸生寓吳光緒二十五年十一月母吳病歿晝夜號泣幾廢寢食既葬

露宿墓上得寒疾卒年四十七二十九大吏奏請以孝子旌

節采訪稿

張鳴珂

原名國檢

字公束

一字玉璠

嘉興拔貢避難出鄉轉徙江浙間由方略館議敘從九先後經蘇

撫李奏保訓導加鹽提舉銜嘗入提督李朝斌幕遂寓蘇州光緒丙子秋闈報罷納粟爲縣令分發江西石餘千審結上控案多起入獄局以平反冤獄著循聲戎子代理上饒縣

事八十四日中清理積牘百餘起己亥夏辦釐捐剔除撫州糧幫運磁陋規一千三百餘緡悉數歸公壬寅充課吏館講員旋署德興縣城外黃柏塘爲土豪窟穴因械鬥致斃多命鳴珂請兵彈壓親往勘驗爲持平斷結及回署營弁不解事擅離防所爭端又起遂

解職歸

採訪稿

錢志澄字伊甫嘉興籍屢應省試不第納貲以知縣分發江蘇歷宰荊溪鎮洋青浦荊溪民主客不和常械鬥志澄爲定租額編客籍以息爭客民陳殷二姓爭爲棚長殷自殺族兄以誣陳鞠之得其情發其囊而血刃見案遂定又判決客民奚姚二姓爭沙田纏訟六七年之案鎮洋田賦率浮收逾額志澄按賦役全書頒示科則自是以後歷任悉依定額徵收縣民至今德之爲青浦築圩隄疏溝洫以防水請上游撥兵勦太湖盜匪以安民光緒二十一年過班爲道員旋代理蘇州關監督時有洋商欲於租界外購地志澄據約力爭上書大吏謂開埠自日本始請首先與日本嚴定界限免他國效尤大吏韙其言嗣膺上考巡撫崧駿稱其勤直明爽果敢有爲三十年卒於飲馬橋左近寓所年五十有九

節采訪稿

王祖錫字惕安秀水人寓吳以廩貢出宰福建將樂縣政聲卓著遷龍溪益勤敏案無留牘

甫半載民心向化盜竊之風爲之衰息會有奸徒肇禍託庇外人倚勢作威者祖錫持公  
理力爭爲民請命不畏強禦上峯稱其能旋奉調赴建安萬民夾道焚香跪送有哭至失  
聲者後回將樂原任而卒平生好古成癖所收金石書畫築室藏之著有尙古錄稿盈尺

未刊行

采訪稿

胡昌寶字豐齋原籍青浦寓吳咸豐庚申避難出走以武童投効於甘肅將軍穆公大營從  
征回捻積功由千總遞升至游擊同治十年關隴平昌寶乞假省母吳下母已衰白侍養  
不忍離光緒六年娶婦宋十二年復出供職兩江督轅十七年調蘇任飛划營統領改統  
浙西鹽捕各營以緝捕勤能獲梟匪渠魁綏靖江浙使鹽引暢銷由巡撫奎記大功六次  
奏請歸標甲午母卒請守制奉批照武員例毋庸銷差自是歷任本城巡防及管帶飛划  
營留防太湖正前營中營浙西鹽捕中營又統領蘇省鹽捕水陸兩營等要職以舊創復  
發乞休嘗謂部下曰治軍當恩威並用治盜當誘之以恩招之以信先教後誅彼不得已  
而爲盜者必能有恥且格也卒年六十有七

節采訪稿

論

卷之六十一

論

論

論

論

論

論

論

論

論

論

論

論

論

論

吳縣志卷第七十六下

列傳

流寓二

長洲

漢

蔡邕字伯喈陳留圉人少博學師事太傅胡廣閑居玩古不交當世建寧三年辟司徒橋玄府椽出補河平長召拜郎中校書東觀靈帝時遷議郎奏求正定六經文字立碑太學門外觀視摹寫車乘日千餘兩屢上封事就問災異悉心以對為中常侍程璜所傷徙朔方旋赦還慮終不免乃亡命江湖遠跡吳會往來依太山羊氏在吳積十二年吳人有燒桐以爨者邕聞火烈聲知為良木因請裁為琴果有美音而其尾猶焦時名焦尾琴

節長洲縣舊志

參後漢書

宋

林旦福州人祖高父槩皆擢進士槩夭亡高亦卒於官妻黃攜其孫八人將歸葬閩道出姑

蘇時蔣堂知蘇州且年十二與兄希贊文上調蔣大奇之給以帶城橋官屋爲葬二槻於寶華山仍遣其猶子之奇與同學後希旦及其弟邵顏並登科遂爲吳人且熙寧中由著作佐郎主管淮南常平擢太子中允監察御史襄行居臺五月以論李定罷守故官久之幹當奏院陳繹又摭其前論罷之累年乃簽書淮南判官入爲太常博士工部考功員外郎元祐元年拜殿中侍御史卽疏言竊見去歲五月詔求讜言士民爭欲自獻及詳觀詔語名雖求諫實欲拒言約束丁寔使不得觀望迎合犯令干譽終之必行黜罰以恐懼之於是人人知戒言將出而復止至於再申諭告方達天聰聞初詔乃蔡確章惇造端今二人既去其餘黨常懷醜正惡直之心願深留宸慮以折邪謀遂論呂惠卿鄧綰猶泚小郡小郡之民奚罪焉乞投散地以謝天下又論王中正石得一雖已薄責得一所任肘掖小人如翟勅之徒亦宜編削詔並降支郡管校又論崔台符賈種民舞文深酷之罪皆逐之出其淮南轉運副使終河東轉運使

馮府志  
引宋史

鄭思肖字憶翁號所南福建連江透鄉人也祖成卒於枝江縣主簿父震字叔起淳祐道學君子爲安定和靖二書院山長景定壬戌卒於吳葬長洲縣飯山母樓氏妹爲比邱尼名

普西思肖太學上舍應博學宏詞侍父來吳寓條坊巷元兵南下叩關上太皇太后幼主疏辭切直忤當路不報初名某宋亡乃改今名思肖卽思趙憶翁與所南皆寓意也素不娶子然一生念念不忘君形於詩文中遇歲時伏臘野哭南向拜人莫測識聞北語必掩耳亟走人亦知其孤僻不以爲異也坐臥不北向扁其室曰本穴世界以本字之十置下文則大宋也精墨蘭自更祚後爲蘭不盡土根無所憑藉或問其故則云地爲他人奪去汝猶不知耶不欲與雖迫以勢權不可得也天日本中峯禪林之白眉聞思肖名欲見未果偶會於孝子梅應發家一見各默不語坐久之本忽云所南何不說法思肖曰兩眼對兩眼無法可說及別去本又云博學孝子思肖卽曰世法和尙趙孟頫才名重當世思肖惡其宗室而受元聘遂與之絕孟頫數往候之終不得見歎息而去無何貨其所居得錢則賙人之急田亦舍諸利惟餘田數畝爲衣食資仍謂佃客曰我死則汝主之自是無定迹吳之名山禪室道宮無不徧歷多寓城之萬壽覺報二刹疾亟時屬其友唐東嶼曰思肖死矣煩爲書一碑當云大宋不忠不孝鄭思肖語訖而絕年七十八其意謂不能死國與無後也自贊其像曰不忠可誅不孝可斬可懸此頭於洪洪荒荒之表以爲不忠不

孝之榜樣嘗著大無工十空經一卷空字去工而加十宋字也寓爲大宋經造語奇踈自題其後云臣思肖嘔三斗血方能書此後當有巨眼識之又著有心史一卷納鐵函投承天寺井中至明崇禎戊寅十一月八日僧達始因旱浚井得之顧亭林有井中心史歌節馮

府志引盧志參  
廣宋遺氏錄

其藏書之日爲德祐元年後爲巡撫張國維刻之以傳節馮府志  
引乾隆志

高晞遠字照庵通州人姿稟秀朗學問該博尤精邵子之學通音律嘗手裁竹爲管以定五音六律進反之間疏數之節細微之辨毫髮弗差咸淳德祐間移居平江城潰家散浮游

江湖卒葬齊女門外節舊長  
洲縣志

元

陳樸明州奉化人至正間與弟經同游吳遂家長洲樞博學有史才著有通鑑續編舊長洲  
縣志

朱子昌字可大溫州平陽人晚家吳爲江陰郡博士用薦授浙西道儒學副提舉慨然以道

爲任學者稱鶴皋先生大德六年葬長洲縣楓橋龍山之原節馮府志引  
吳中人物志

周伯琦字伯溫鄱陽人至正中爲浙西肅政廉訪使十七年承制假參知政事招諭張士誠

留平江者十餘年士誠爲造第宅於乘魚橋北厚其粟給日與諸文士以文墨流連因亦



忘歸士誠滅乃得歸鄱陽尋卒伯琦儀觀溫雅粹然如玉遭時多艱而善於自保博學工

文尤以篆隸真草擅名當時

節鄱府志引元史參吳寬平吳錄

大夫

范疇字復初金華人爲洞霄宮道士得江西張九牛善易之占神效莫測杭有無籍子胡婆壽負罪而逃官督捕甚嚴捕者求筮爻成疇曰可於北方樹中得之如言迹至臨平果獲於空楊樹中遂繫獄後會赦胡出欲害疇一日持刀晨叩疇門給以卜疇決以占知其將不利於已隔門謂之曰欲問卜可擲下手中刀胡聞之駭服猶以刀畫其門而去疇由是來蘇避之寓乘魚橋設肆有疑來問者莫不神驗年八十三卒

馮府志引盧志

明

葛天民江陰人元末避兵長洲洪武二十四年授大理府同知辭歸教授於鄉天民通易學

嘗賣卜江湖以養親全其志卒葬下雉瀆

馮府志引吳中人物志

管志道字登之號東溟太倉人後遷長洲隆慶辛未進士授南京兵部主事時衛卒苦貢艘志道言於尙書裁去三百餘艘攤江濟兩衛以蘇四十衛之困憂歸服除補刑部張居正奪情議起沈懋學趙用賢貽書具疏皆與志道商訂而後發明年大婚禮成疏陳九事首

言太祖既革丞相事權分屬九卿正統初始用閣臣預政宮府之間壅蔽請復午朝之制朝廷有大事閣臣與九卿面決又請永除言官之廷杖居正大悲遂出志道廣東僉事分巡南韶比至爲御史劾去受居正屬也久之以言者復原官致仕志道短小有口辯少爲諸生督學耿定向授以學又與羅汝芳王璧輩討論自謂有得於中庸明哲之義所著述凡數十種閎博辨析大指在以西來之意密證六經以東魯之矩收攝二氏議者謂其以

墨亂儒

節馮府志  
引焦竑誌

程智字子尙號雲莊休寧人少學舉子業不喜弱冠讀易有省徒步至河南謁伏羲陵歸入山中晝夜窮究天啓中來吳與浮屠法藏講論深相契合以終非正學復還入山精研易理遂大悟作易源流深明極數辨物之道崇禎間復來吳從游者甚衆順治八年年五十卒葬陽山十六年吳人請之巡撫配享二程夫子祠

節馮府志引湯  
祐祖易師年譜

侯周臣字崑璧嘉定人徙長洲篤學好修讀素問靈樞等篇謂內經一書與易相表裏天人性命之理盡在是因棄帖括專精醫術吳中士大夫延請無虛日所得悉以施藥濟貧崇禎祭酉巡按御史祁彪佳獎其德行卒年七十九

節馮府志  
引長洲志

清

錢澄之字飲光桐城人少爲名諸生屢試不售閉戶著書皆根極理要陳言務去甲甲後南都建國羣小阿附爲之魁者其鄉人也澄之夙慷慨持正論與鄉人迕將修報復刊章捕治興大獄於是挈家亡命走浙閩入粵崎嶇絕徼數從鋒鏑間支持名義後妻死於兵子死於盜乃寓吳之花谿與徐僉事炯注五代史較徐無黨尤詳密惜未刊行年八十餘還

桐城卒

節馮府志引長洲縣志

吳偉業字駿公一字梅村太倉人崇禎四年進士第三人及第官至祭酒詩才雋逸卓然成家鼎革時挈百口避地長洲礬清湖畔賃居吳青房之室爲賦礬清湖行以誌之未幾歸

性好山水乞休後徧游靈巖鄧尉東西洞庭諸名勝題詠成帙

節馮府志引吳門補乘

朱彝尊字錫鬯號竹垞秀水人明太傅國祚曾孫少聰慧絕倫書過眼覆誦不遺一字既長

博極羣書北平孫承澤老而家居以經學詔四方後進獨推重彝尊謂老師宿學不是過足跡半天下所至考其利弊或搜金石名與崑山顧炎武埒年五十餘益都馮相國溥薦舉博學鴻詞召試體仁閣下以布衣授翰林院檢討纂修明史上總裁書論修史條例最

合古人充起居注下直卽閉戶討論陳相國廷敬過之曰吾見客長安者務攀援馳逐車塵蓬勃間不廢著述秀水朱十一人而已既歸里聖祖南巡書博物研經四字賜之來吳

主張檢討大受孝廉船吳中人士從之說經動輒經年年八十一卒

舊長洲縣志

吳苑字榜香新安人

馮府志作歙縣人

幼肆力於學慕古人忠孝大節舉康熙壬戌進士出吳江潘

耒門未激賞苑卷謂有晁賈氣廷試對策論黃淮分合言用黃刷淮始潘季馴然河自宋決澶淵曹村北流斷而南徙至南清河方與淮合前此刷黃者何水乎指陳剴切舉朝服其經濟入翰林累官至國子監祭酒振飭士習教諸生務實用太學舊有進士題名碑明自永樂至崇禎七十八科唯存五十餘碑清丙戌後闕十八科苑請於朝勒石補焉又掘土中得宣德庚戌成化甲辰兩碑於啓聖祠堦得永樂首科一碑兩朝典故炳然苑之力也屢校禮闈主武試皆稱得人尋請終養板輿之暇葺宗祠設祭田興朱子書院闔寇破徽嚴鎮爲兵馬要衝苑率鎮人具羊酒走迂大將軍大將軍令下兵無譁居民安堵爲德鄉里尤大愛吳中山水時扁舟來游尋幽探勝遂家焉年六十三卒

節舊長洲縣志

黃六鴻字子正號思湖新昌人生而穎異讀書目數行下崇禎末年十二隨父國琦令建陽

京城陷奉母自邵武間道奔歸新昌烽煙障天無所怯辛卯舉江西鄉試嘗曰不讀萬卷書不行萬里路不可爲丈夫遂自齊入燕出居庸歷上谷雲中諸邊塞憑弔古今詩文益奇肆選授郟城令郟城屢遭兵燹流亡過半民羸胥橫六鴻至馭胥以猛撫民以寬決疑獄清驛政禽巨憝王玉海於五丈溝縛吳養信徐大頭於邳沂間盜賊屏跡艱歸補東光治行如郟邑而備荒尤著由行人升工科給事中疏停湖關喝報奏請保固高堰與中河遙堤皆關國計民生後移疾歸僑居金陵二十五年晚來吳中依其壻吳太史瞻淇厭城市囂時黃冠道袍居陳都諫廷敬上沙別業因卒於吳著有綱鑑合纂紀傳分編唐詩峯

跡等集

舊長洲縣志

蘇谷益潘人

吳太史瞻淇

張雲章字漢瞻號樸村嘉定人早年爲崑山徐尙書乾學所賞延之京邸商榷古今既屢不得志歸奉母屏居絕迹淹綜百代以成一家言自謂此生不有聞於斯道不可以爲文文章旨趣近南宋勉齋北溪而以考亭爲歸嘗集諸家作續東萊文鑑來吳居清溪之水周林張清恪伯行撫吳以師禮待之後伯行與制府互劾雲章上書相國李文貞光第申救人服其敢言康熙甲午仁和湯少宰右曾以理學薦赴京分修尙書書成歸鳴城卒

舊長洲縣志

志

朱襄字贊皇無錫人八歲有詩名能作擘窠書時目爲神童弱冠游京師館於諸王王自號紅蘭主人酷愛襄詩襄有戚年少售旗下襄積兩年修脯贖之歸王聞益敬之待爲上賓海內名人皆樂與游晚年僑居郡城寓長邑之清真觀巷貧困以死尤精易理著易章十

二卷集唐詩三十首

舊長洲志參同府志引乾隆志

趙執信字伸符號秋谷益都人康熙己未進士入翰林官贊善性抗爽不羈既去官以詩自娛酒至三斗不醉詩有錢劉風格尤長於書時何編修焯汪中允士鏐以書名世執信不師法古人而風神獨絕人並重之居吳之齊女門數年乞書者紙盈數篋生平服馮氏定遠之學稱私淑弟子與陶貞一昆李爲執友數往來虞山邑中題詠甚多

節舊長洲縣志卷四府志引常

熱昭文志

莊朝生字玉墀號靜庵先世由鎮江遷武進父應會歷官刑部侍郎嘗疏請減江西袁瑞二府浮糧二十餘萬得旨永免至今稱之朝生少穎異能文順治己丑成進士授翰林院檢討與仲兄左庶子回生並侍父同官於朝丁父艱歸旋因江南奏銷案起降補國子監助

教累升刑部郎中時部有逆案株連者衆朝生平心察核奏釋其冤全活無算視學河南  
差竣請告歸里愛吳中山水遂家焉杜門不與戶外事聞與尤侍講侗宋孝廉實穎彭長

寧瓏爲耆年會優游林下二十餘載卒

節節長  
洲縣志

王昶字琴德青浦人乾隆甲戌進士官至刑部侍郎自倭值內廷參與戎幕以至陳臬開藩

王昶字琴德青浦人乾隆甲戌進士官至刑部侍郎自倭值內廷參與戎幕以至陳臬開藩  
濟秩卿貳敘歷中外者三十餘年平著懋績賞戴花翎與千宴宴予告歸里年八十三卒

少時讀書吳中與王鳴盛同客臨頓里者四年

節節長  
洲縣志

錢坫字獻之大昕從子乾隆甲午順天副榜游西安人畢沅幕與洪亮吉孫星衍討論訓詁

地理之學授乾州州判得疾歸卜居吳門大井里卒坫工小篆晚年右體偏枯以左手書

之

馮府志引  
道光志

錢近仁崑山人少孤貧流轉至蘇城於舊學前文丞相祠西數十步僦屋半間居之以補履

爲業性好學不識字以補履所得錢從人問字一字餽一錢後遂徧讀羣書屋內架木板

三四雜置古籍其上讀書略觀大意一言感觸黽勉服膺大要以不欺爲本與人言輒引

之於善娓娓不倦里中有來學者不問修脯往往多至二三十人不加督責未久輒散去

散則補履如故有文士王繩孫兄弟三人聞而奇之招至家禮待甚厚遂移書籍以往老

於其家年七十有五嘗入濂溪祠焚香肅拜又熟讀近思錄與之談每及道家言時薛起

鳳彭紹升皆以學行高吳門中亦折節與交吳縣汪縉以僅一識而未及與語為憾為之

立補履先生傳馮府志列人物傳今節別之改入流寓傳

錢慶增泳從孫金匱庠生幼時質不甚敏讀文選不熟取京都諸賦分段讀之每晨起必默

寫昨所讀者必一字不誤而後已長遂能為六朝文字中年來往吳門寓舊學前周氏祠

堂晚年歸其故居在后宅西莊橋庚申八月賊入其家慶增已老病不能行與子邦俊同

遇害節馮府志

許鵬遠金匱僑生寓長洲庚申遇警奉母避居太湖南津下無何賊突至其居縱火焚之鵬

遠與母俱死賊退檢其尸髮膚皆燼猶負母不釋手同治八年以孝子旌馮府志引詳

陳際清號南橋麻城庠生納貲為縣佐道光二十九年題補吳江縣主簿寓本城黃鵬坊咸

豐十年東南各城相繼被兵吳江亦兵禍日逼際清隨同文武官吏督練勇出禦死之子

世綬年纔十一陪母從閒道出匿鄉間事平後仍寓蘇城節采訪稿

據家述



楊世澤字端生崑山陸家濱人父鑒字少琢上舍生爲王椒畦學浩入室弟子道光時購閩門外王師經濱孟氏別業居之世澤讀書其中喜藏古圖籍長日無事則手一卷展玩之以爲下酒物所與交如甫里王夢維大令熊吳縣王石薌處士雲皆一時知名士好吟詠詩成輒黏諸壁隨風剝落不自收拾記其亂後口占一絕云紅羊劫過賦歸來圖籍飄零心已灰漫道家中無賸物小園猶一有枝梅可想見其風致矣

採訪稿

汪鳴鑾號柳門一字郎亭浙江錢塘縣人同治三年順天舉人明年乙丑成進士選庶吉士敦館授編修視學陝甘以母憂歸服除授司業補右中允已卯典江西鄉試卽留視學晉洗馬侍講以父憂歸再起補原官轉侍讀三遷至內閣學士兩任山東廣東學政在粵督工部右侍郎轉左侍郎兼署刑部右侍郎命在總理衙門行走調吏部右侍郎光緒乙未以奏事被譴歸居吳門西小橋優游者十年鳴鑾生有異徵七歲通小篆從外王父韓履卿都轉崇爲金石之學通籍後以文字受知兩朝輶車奉使無虛歲初爲陝甘學政河湟亂未定鳴鑾先以條教下郡縣吏興學崇賢隴士彬彬向風平生論學宗旨謂經義非訓詁不明訓詁必求諸六書說文其津逮也因奏請以漢儒許慎從祀文廟所至訪求遺逸

甄拔寒峻在山左教士以曲阜孔氏安邱王氏之學在粵教士以番禺陳氏之學其  
報考政有云取士之法根柢爲先才華爲後教士之方培養爲本釐剔爲末人歎爲知言  
在翰林時卽以氣節自勵晉豫奇荒州縣冒賑鳴鑾連章劾治下疆臣查辦如律立朝務  
持大體臨事措置攸裕在工部與尙書潘文勤勵精共濟所識拔之部員如端方松壽皆  
爲時名臣庚寅奉命勘吉林獄決疑覈實邊民大和泊入直譯曹植東事大棘朝議割臺  
灣以畀敵鳴鑾力爭以此中要津忌德宗眷顧益隆數數召對輒語移時同列益忌之欲  
中以危禍乙未遂與侍郎長麟同奉嚴旨非德宗意也鳴鑾好士出於天性與潘文勤祖  
蔭李侍郎文田翁相國同蘇網羅海內碩學之士推挽如弗及殿廷試得人尤稱盛旣謫  
歸仍寓吳口不言時事己亥年卒

節集 吳志 銘

吳志 銘

吳志 銘

周以魯平西寧河東文成甫里王學謙大令誦吳越王孫遜過士雲書一切獻與士誠利權  
澹臺滅明字子羽武城人孔子弟子南游至江從弟子三百人識取予去就名施乎諸侯孔  
子聞之曰吾以言取人失之宰予以貌取人失之子羽史記索隱曰吳國東南有澹臺湖

卽其遺跡

節僞元和志  
參史記索隱

漢

梅福字子真九江壽春人爲南昌尉去官數上言變事輒報罷時京兆尹王章忠直譏刺大將軍王鳳專擅爲所誅王氏寢盛災異數見福上書極言章面折廷爭孝元皇帝擢之以厲具臣陛下戳及妻子折直士之節結諫臣之舌天下以爲戒最國家之大患也又言日食地震水災陰盛陽微金鐵爲飛以及外家僭竊勢陵於君權隆於主並爲可慮上不納後上書請封孔子之世以爲殷後先是匡衡建議存二王後所以尊先王而存三統土寢其議至福復言乃封孔子世爲殷紹嘉公居家常以讀書養性爲事元始中王莽專政福棄妻子去九江人傳以爲仙去後有見福於會稽者知已變名姓爲吳市門卒

節僞元和志  
吳地

紀云門爲蛇門後其  
門壘塞地屬元和界

晉

王珣字元琳與謝元爲桓溫椽溫嘗謂謝椽年四十必擁旄杖節王椽當作黑頭公俱見敬重由主簿累遷輔國將軍吳國內史在郡爲士庶所悅徵爲尙書右僕射轉左復領太子

詹事隆安初王國寶用事謀黜舊臣遷珣尚書令王恭赴山陵欲殺國寶珣止之曰國寶雖終爲禍亂要罪逆未彰今先事而發失朝野望況擁強兵竊發於京輦誰謂非逆國寶若遂不改惡布天下然後除之未晚恭乃止既謂珣曰比來視君一似胡廣珣曰王陵廷爭陳平慎默但問後終何如耳卒除國寶後加散騎常侍勳獻穆改贈司徒初珣因謝安與絕婚有讐及安薨哭之慟族兄獻之曰非所望於法護法護珣小字也弟珉字季球小字僧彌才名出珣右時人語曰法護非不佳僧彌難爲兄辟主簿舉秀才不行後歷著作散騎郎黃門侍郎侍中代獻之爲長兼中書令時謂獻之爲大令珉爲小令年二十八卒珣在吳時居虎邱爲別業戴逵嘗與遊處珉買宅居崑山亦居虎邱之東山後珣兄弟俱舍別業爲寺

舊元  
和志

戴逵字安道譙國人愛會稽多名山嘗居剡下孝武時以散騎常侍國子博士累徵以父疾辭郡縣敦迫不已乃逃於吳內史王珣有別館在虎邱山逵潛詣之與珣遊處號爲吳中高士會稽內史謝元慮逵遠遁不返請絕召命逵復還剡時會稽謝敷澄靖寡欲入太平山十餘年召皆不就初月犯少微少微一名處士星占者以爲隱士當之逵有美才人或

憂之俄而歿死會稽人士以嘲吳人云吳中高士求死不死

節僞元和志

戴顓字仲若與兄勃並受琴於父遼桐廬縣多名山兄弟因留居止勃疾患醫藥不給顓欲

干祿以濟養乃求海虞令事垂行而勃卒乃止後出居吳下吳下士人共爲築室聚石引

水植林開澗少時繁密有若自然乃述莊周大旨著逍遙論注禮記中庸篇三吳將守及

郡內衣冠要其同遊野澤堪行便去不爲矯介衆以此多之宋元嘉中徵並不就衡陽王

義季鎮京口長史張邵迎顓止黃鶴山

遂名戴公山

十八年卒寓吳時所居在唐爲司勳陸郎

中宅後爲北禪寺

節僞元和志馮府志引宋書

梁

顧越字允南吳郡鹽官人居新坂黃岡世有鄉校由是顧氏多儒學越徧該經藝深明毛詩

特善莊老尤長論難兼工綴文承聖二年詔授宣惠晉安王府咨議參軍領國子博士以

世路未平無心仕進棲隱虎邱山與吳興沈炯同郡張種會稽孔奐每爲文會陳天嘉中

詔侍東宮讀遷給事中黃門侍郎及廢帝卽位拜散騎常侍卒於家

節馮府志引南史參僞長洲縣志

唐

陸羽字鴻漸一名疾字季疵竟陵人隱苕溪自稱桑苧翁閉門著書詔拜太祝不就貞元中

寓虎邱嗜茶著經三篇嘗品衆泉鑿井於虎邱劍池西南品爲天下第三泉

馮府志引文  
肇社虎邱志

皮日休字襲美一字逸少襄陽人性傲誕隱居鹿門自號閒氣布衣咸通八年第進士崔璞

守蘇辟軍事判官入朝授太常博士嘗上書二通其一請以孟子爲學科有能通其義者

其科選同明經其二請以韓愈配享太學謂有唐以來一人而已苟不得在二十一賢之

數於典禮未備也俱從之寓吳與陸龜蒙所居臨頓里相近往來唱和今其地稱皮市

元和  
縣志

羅隱字昭諫餘杭人本名橫十上不中第遂更名從事湖南淮潤無所合久之歸投錢鏐累

官錢塘令鎮海軍掌書記司勳郎朱全忠以諫議大夫召不行勸鏐討全忠大義憤激鏐

不能用魏博羅紹威推爲叔父嘗表薦給事中中歲入吳與陸龜夢遊結庵於甫里北隅

今遺址尙存年七十有七

舊元和縣志  
參舊長洲志

李紳字公垂少孤母盧躬授之學爲人短小精悍於詩最有名時號短李蘇刺史章夏卿數

稱之位至尙書左僕射門下侍郎

唐書本傳

紳本趙人徙家於吳嘗寓虎邱讀書山中

節馮府志引文

蒙社虎邱志  
沈亞之傳

宋

蔣堂字希魯宜興人徙於蘇祥符五年進士任侍御史論禁中火宜責躬修德不必歸咎宮

人郭皇后廢極論不可出為淮南發運使薦部吏二百員累遷樞密直學士歷知應天河

中府洪杭益蘇州後十二年再守蘇州遂謝仕以禮部侍郎致仕家於靈芝坊為人修潔

遇事不少屈好學工文詞延譽晚進至老不倦卒年七十五

引盧志云初堂徙家吳中守杭時復治溪館將歸休焉既而告老賦歸自號蓬翁所居嘗有芝草知州李仲偃名其地曰靈芝坊則是坊名靈芝即始於將堂舊列人物今從

馮府志 入流寓東

蘇舜欽字子美參知政事易簡孫父耆有才名嘗為工部郎中直集賢院舜欽少有大志貌

奇偉當天聖中學者為文多病對偶獨舜欽與穆修好為古文歌詩一時豪俊多從之遊

初以父任補太廟齋郎調滎陽尉時玉清昭應宮災上疏極陳得失景祐初舉進士改光

祿寺主簿知長垣縣遷大理評事康定中地震言事尤切直慶歷四年范仲淹薦為集賢

校理監進奏院初舜欽娶杜衍女衍時與仲淹富弼在政府多引用聞人興起庶政御史

王拱辰等不便其所爲會進奏院祀神舜欽及右班殿直劉巽輒用鬻故紙公錢設樂會飲拱辰諷其屬魚周詢劾奏并欲搖動衍牽連仲淹舜欽巽坐除名同時飲酒者得罪遂出拱辰喜曰吾一舉網盡之矣舜欽率妻子來吳中買水石作滄浪亭於吳越錢氏之南園益讀書發憤懣於歌詩其體豪放往往驚人善草書每酒酣落筆爭爲人傳後得湖州長史卒年四十有一嘉祐初韓琦奏復原官著有滄浪集十五卷寓吳故居後名蘇家巷在南園東

節舊元和縣志卷馮府志引宋史

元絳字厚之其先臨川危氏徙杭州易姓元絳五歲能詩長登第調江寧推官知永清海門

二縣擢江西轉運判官知台州入爲度支判官歷廣東兩浙河北轉運使鹽鐵副使知福州召爲翰林學士知開封府參知政事以太子少保致仕絳所至有威名而無特操在翰林諂事王安石及其子弟時論鄙之然工於文辭爲流輩推許既得謝希眷之曰卿可營居京師朕當資金幣絳曰臣有田廬在吳乞歸鬻之卽築室都城既行追賚白金千兩敕早還絳至吳踰歲以老病奏恐不能奉詔三年而卒年七十六贈太子少師諡章簡

馮府志引

宋史 乾隆志引吳郡志曰絳居帶城橋致仕還吳中與程公開諸公爲九老會鄉人號其居曰衰繡坊有玉堂集三十卷按東都事略作錢塘人蓋絳生長杭州晚居吳中諸志



載入人物非是  
今改入流寓

蘇東宣想動續金孫正帶以詩補對寓流淵濼濼樂堂卒葬其地

米芾字元章襄陽人歷太常博士禮部員外郎知淮揚軍爲文奇險不蹈襲妙於翰墨得王

獻之筆意畫山水人物自名一家遇古器物書畫極力求之必得乃已子友仁字元暉亦

善書畫世號小米官至敷文閣直學士芾愛潤州山水結海岳庵嘗遊於吳子友仁官於

是女亦歸於是故宋史以爲吳人

節馮府志引道光志都穆寓意編云按米芾襄陽人而宋史以爲吳人觀海岳揆樂圖葉表云子書居郡與

先生遊今觀其子元暉自題山水跋云紹興己未除守郡待次平江寓居大姚村妹家戲作則米氏父子皆嘗居吳故其女嫁大姚村其實非吳人也案大姚村屬元和縣界

薛子長從葉適游學於吳葑門適嘗敍其覆瓿集子長嘗出老翁賦續通鑑論適見而驚異

之至錢塘又出士風論則疑愈甚子長葢食水飲慾利不挂絲髮其學曹陸以下不能擬

其藩也

節馮府志引吳中人物志

尹焯字彥明世爲洛陽人洙孫年二十師事程伊川頤應舉發策議誅元祐黨人焯曰尙可

以求仕乎不對而出靖康元年朝廷辨忠邪召用才德之士懼焯不至以布衣召不至授

以和靖處士明年金人陷洛闔門被害焯死復蘇竄於長安山中長安陷劉豫僭位以禮

聘之逃去夜徒步渡渭自商州奔蜀至閬紹興五年以崇政殿說書召力辭時有攻程氏

者焯曰學程氏者焯也生事之二十年今又三十年矣請就斥朝廷恥之於是大臣顯言焯拒劉豫之節學問之正上又思見焯召之愈急迫上命布衣至行在所而病上賜金帛存問慰勞須病愈受命病愈又辭上曰卿尚可辭邪朕渴卿久矣知卿從伊川俟卿講學不敢以有他遂就職又除祕書郎明年遷太常少卿權禮部侍郎除徽猷閣待制焯曰病不能朝矣而寵祿日至雖主上賢我我何功德當之辭不已遂奉外祠寓平江虎邱西庵時年七十又二年卒於紹興旅寓方爲從政說書每赴講先夕沐浴更衣陳所講書於案上朝服再拜齋於燕室謂必欲以所言感悟君安得不敬臨歿上遺表猶勉主上毋忘

祖德後賜諡曰肅

節舊元

和縣志

山

水

大

其

其

其

其

其

其

其

其

魏了翁字華父蒲江人慶元進士紹定中累遷至同簽書樞密督視京湖江淮軍馬陞辭御書鶴山書院四大字賜之已而以浙東安撫使就醫平江嘗至甫里築別業於羅隱菴嘉

禧初卒贈少師諡文靖

節舊元

和縣志

水

大

其

其

其

其

其

其

其

其

呂浩叟宋臣至元十一年兵下江南出使軍前持節見張宏範抗詞不屈明年宋亡舊臣朝

於京授浩叟淮東宣慰使賜金符玉帶以疾辭後寓虎邱構壽樂堂卒葬其地

節舊元

和縣志

元

柳貫字道傳浦江人官翰林待制國史院編修弱冠受業於金履祥後又從鄉先生方鳳及謝翱遊攷秦漢以來文章變化晨夕講貫卒成名家至京師爲吳文正澄器賞程文憲鉅夫以墨一丸授之曰文章正印今屬子矣一時與黃潛吳萊聲名相埒宋濂戴良俱出其門年七十三卒私諡文肅寓吳時嘗居甫里書院有遷居甫里精舍詩并書院記節僉元

參馮府志

趙孟頫字子昂宋宗室湖州人幼聰敏爲文操筆立就宋亡仕元累官集賢學士翰林學士承旨書畫皆冠絕古今至大中避迹甫里之保聖禪院院中匾額佛碑皆其真迹也虎邱

隆禪師碑亦其所書入吳郡必寓虎邱云

節馮府志引吳門補乘

王夢聲字應甫號古川嚴州分水人宋司諫縉之後咸淳進士授迪功郎祕書省檢閱致仕至元復起仕崑山州學正樂其土風遂卜居於唯亭開渠築隄手書分水隄三字勒碑隄

上示不忘故土也今碑基尙存里中瑯琊族皆爲其後

節唯亭志引府志名宦傳參耶瑯宗譜互見唯亭志古蹟

湯公兩字均澤性淳篤有學行工詩至正末由江陰徙居虎邱山塘隱居不仕以吟詠自娛

詩載四朝詩中

馮府志引  
江南通志

詩工楷法

倪瓚字元鎮無錫人家雄於貨工詩善書畫四方知名士日至其門所居有雲林堂蕭閒館

清閨閣閣如方塿三層疏窗四眺遙巒遠浦雲霞變幻彈指萬狀閣中藏書數千卷手自

王勘定古鼎法書名琴奇畫陳列左右四時卉木縈繞其外高木修篁蔚然深秀時與客觴

詠其中自號雲林居士性好潔見俗士避去恐浼鹽醜易水樹石時加洗拭畫筆蕭疏簡

遠稱其爲人詩亦如之至正初海內無事忽舍去故業散其資給親故人咸怪之未幾兵

興富家多被禍瓚獨扁舟箬笠往來五湖三泖間寓甫里與陸德原虞堪輩爲詩文交不

罹於難人服其識及吳平瓚年老矣黃冠野服混迹編氓明洪武七年始還鄉寓居鄒氏

卒年七十四吳人周南老志其墓曰元處士雲林先生

馮元和縣志  
馮府志引明史

其書畫

謝應芳字子蘭武進人幼講根柢學元至正時知天下將變隱白鶴溪構小室顏曰龜巢志

退藏也郡辟爲鄉校師教弟子先質後文學者爭趨之舉三衢書院山長不就及天下兵

起避地吳中或居吳淞江之甫里或居葑門之獨墅村接其言論者謂謝子平平久之俱

元推讓爲不可及天下定仍歸毗陵年七十餘矣洪武初詔修元史梁寅汪克寬趙汭陳謨

王彝高啓謝徵等皆以布衣見徵而應芳以老病自晦免人益重之卒年九十七有辨惑

編龜巢摘稿諸集

舊元和縣志

蘇州府志卷之六十五

顧德輝字仲英一字阿瑛崑山人曾家長洲之顧浦財雄於吳豪宕自許年三十始折節讀

書購古書名畫彝鼎祕玩築別業於茜涇西曰玉山佳處與一時名士飲酒賦詩其中河

東張翥會稽楊維禎天台柯九思方外張伯雨輩皆樂與遊才情妙麗爲東南文雅之宗

其園池亭樹之盛圖史之富及饋館聲伎並冠絕一時元至正初以茂才辟爲會稽教授

不就又辟貳崑山州事仍辭去後張士誠居吳累辟堅不起隱於嘉興之合溪母喪廬墓

精心釋典頗有得晚號金粟道人自題其像曰儒衣僧帽道人鞋到處青山骨可埋若說

向時豪俠處五陵鞍馬洛陽街又嘗賦詩寄志云此膝豈因兒輩屈壯心寧受酒杯降又

曾居吳縣之橫金鎮卒年六十

節唯亭志引明史卷之六十五

明

陶安當塗人寓虎邱半塘寺用薦官至翰林學士謀略文章時推第一詩亦拔俗

馮府志引吳門補乘

余堯臣字唐卿永嘉人早以文學著客居會稽越鎮帥院判邁善卿參政呂珍羅致幕下與

有保越之功薦剡交上無意仕進於越之桐桂里治圃結茆署曰菜薹已而入吳居北郭

與高啓張羽爲北郭十友卽所謂十才子也十人姓名詳見吳縣志行傳啓送唐肅序曰余世居吳北

郭同里交善者惟王止仲一人十餘年來徐幼文自毗陵高士敏自河南列朝詩傳高遜志字士敏河南

人元末寓嘉興徒吳門受業於貢師泰周伯琦鄭元祐洪武初徵修元史入翰林累遷侍讀學士建文時爲太常右少卿靖難後存物不可致唐處敬自會稽明

唐肅字處敬山陰人通經史兼習陰陽醫卜書數少與上虞謝肅齊名稱會稽二肅至正壬寅舉鄉試張士誠時爲杭州黃岡書院院長遷嘉興路儒學正士誠敗例赴京尋以父

喪還洪武三年用薦召修禮樂書擢應奉翰林文余唐卿自永嘉張來儀自潯陽各以故

來居吳皆與余鄰於是北郭之人物遂盛矣吳亡之後與楊基徐賁同被徵謫濠洪武二

年放還授新鄭丞列朝詩傳

莊公瑾松江青龍鎮人永樂間寓居葑門能詩善草書尤長於畫師法馬遠夏圭蓋張觀後

一人也吳門補乘

鄒彬字文質臨洮人樂吳之風土因寓焉博物多識凡天文地理醫藥卜筮皆旁通之平生

手鈔百氏書殆千卷紙欄烏絲字畫不苟矻矻筆硯間至老益勤性寡合莊重可敬嘗論

張仲景傷寒書撰運氣或問一卷謂三奇六壬太乙之法蓋河圖洛書之緒餘第多傳會

撰疏略一卷卒葬虎邱

吳門補乘

任孜後改名敏字懋善九世祖盡言紹興中通判平江子孫居吳淞敏少隨父僦居虎邱山塘讀書佛慧庵正統十二年以長洲籍國子生舉鄉試十三年成進士授刑部觀政後爲瓊州知府治臻上理有文翁襲遂之風以積瘁卒於任貧不能斂察吏出資依之以歸敏工詩善琴製吳江曲每撫弦自適曰此中真趣惟遊心淡泊者領之妻蔡氏名婉亦能詩

吳門補乘

張觀字可觀嘉定人好游覽嘗以輕舟載卷軸往還吳越遇佳山水輒畫之甚至留二三月不去筆墨所成或千巖萬壑或一角山或陂塘平遠俱入神詣雖宗夏珪馬遠及與盛懋

吳仲圭遊而自得處皆天趣也僑居周莊鎮修圃灌花以終

元和縣志

王志堅字弱生更字淑士崑山人中萬歷三十八年進士旋卜居郡城之南園肆志讀書其法先經後史先史後子集讀經先注疏而後辨論讀史先證據而後發明讀子則謂唐以後無子當取說家之有裨經史者補之讀集則定秦漢以後文爲五編考覈碑志援詩傳摭雜說以參訂之少歲同嘉定李流芳作詩卷帙甚富後刪存七十餘首持論不苟然也

通籍後授南兵部車駕主事歷郎中選貴州提學僉事乞養不起天啓初起督浙江驛傳  
奔母喪歸崇禎四年督湖廣學政禮部推爲學政第一凡二年卒於官

舊元和縣志

沈同和字志學吳江人美丰姿善詞賦獨不長於制藝萬歷乙卯舉於鄉乃其親趙鳴陽之  
文丙辰會試僅成一藝餘亦鳴陽代作同和中會元鳴陽第六京師譁然事遂上聞有敕  
者言其能詩卽命殿前賦梅花詩一百首頃刻而成上意欲赦之或曰國家以八股取士  
未嘗用詩仍令覆試以士憎茲多口命題竟日不能成篇遂與鳴陽同黜罪以流時有丙  
辰會錄斷么絕六之諺後遇赦歸隱居周莊營別業於鎮西之張家濱與潯陽灣陶唐諫  
善朝夕往來相隔一溪故有詩云昨夜燈前曾有約今朝移艇渡溪來妓穆素徽者四方  
名士爭欲得之同和匿之張家濱有不歡於同和者製爲西樓記傳奇所稱池三公子卽  
指同和也西樓遺址

一說在邵城鴨湖巷卽素徽村樓也

嘉慶初年尙存素徽卽葬於此

周莊鎮志

劉永錫字欽爾號剝庵魏縣人崇禎丙子舉於鄉選長洲學教諭署崇明縣事庭無留獄未  
幾遭鼎革隱居相城有大吏造其室欲強之出永錫袒裼疾視曰我中州男子年二十渡  
漳河登大伾躍馬鳴鞘兩河豪傑誰不知我乃以此相逼將謂我畏死邪取壁上挂劍欲



自到門人抱持之得解尋移居陽城河之濱妻栗氏子臨女貞織席以食食不繼時不舉  
火有遺之粟者非其人不受時隱君沈得輿欽圻亦來陽城定世外交嘗登高邱弔落日  
相與歌泣永錫曰茫茫宇宙中路知己乃在沈君後沈歸故里求同志士不得益困憊有  
老奴從魏縣來勸之歸曰室廬故在也曰我非不欲歸奉君命來此義不可歸命其子同  
老奴歸謂祖宗邱墓責在汝麾之去時歲荒得食愈艱每雜糠粃作飯妻病不能下咽竟  
餓死女年及笄未嫁知父義不北歸而舅家相去二千里恐身無所託遺親憂遂絕粒子  
前此同老奴歸時假貸得百金亟欲馳獻父中路遇盜墮馬死永錫乃嘆曰女死貞妻死  
慈子死孝天之報我亦厚矣獨居土室中不蔽風雨好爲詩歌音悲壯讀者爲之歎歎甲  
午秋病劇大呼烈皇帝三而卒弟子徐晟陳三鳧等葬之虎邱節元和縣志參陳濟  
生啓禎遺編詩傳

婁堅字子柔嘉定人貢生工詩與唐時升程嘉穉李流芳齊名嘗寓虎邱山塘程李遊虎邱

諸什皆堅僑寓時倡和之作也後歸其鄉

馮府志引  
虎邱志

沈廷揚字季明崇明縣學生性慷慨崇禎初遊虎邱遇江東豪士沈茂之縱談方略出篋中  
海運書示廷揚廷揚赴都上海運議格不行干兵部侍郎倪元璐請以私貲辦二舟試行

之元璐以聞遂辦二舟每載千石由福山抵天津纔十日奏授戶部郎中加光祿寺少卿  
福王立史可法開府揚州命與田仰至崇明糾集水師部署未定而金陵破往依唐王命  
總督水師廷揚選三百艘至福山遇颶風與麾下七百人俱就禽巡撫土國寶勸降不屈  
戮於婁門李王廟年五十有三妾張鸞衣葬之於虎邱五人墓西子孫遂爲吳人清乾隆  
四十一年賜通諡忠節

節馮府志  
引家述

姜埰字如農萊陽人崇禎辛未進士初除密雲縣令改儀真有聲入爲禮部主事選授禮科  
給事中祖士良父瀉里世業儒倜儻好立奇節埰自通籍念身列諫垣默默非所以爲臣  
亦非祖父訓也時思陵求治甚殷寇氛猖熾宰臣宜興周延儒首鼠兩端陰重不泄會行  
人司副熊開元疏侵延儒上怒逮開元杖一百埰於是劾延儒辨開元無罪有云大臣不  
言則小臣言之皇上何所見而徧徇若是語過激并杖埰下錦衣衛獄幾死弟垓因微服  
事其兄周旋橐餽不去方獄急時萊陽寇陷埰父瀉里闔門死難垓席藁闔門願以身代  
埰歸辦喪事上惻然乃削埰籍戍宣城福王立遇赦流寓蘇州往來宣城臨死謂其子曰  
敬亭吾戍所也戍者君命死必葬我敬亭之麓年七十卒葬宣城私諡貞毅立祠於虎邱

劍池之側子安節實節安節歸宣城守墓實節留吳守祠安節字勉中有篤行實節字學在工詩畫師雲林晚寓虎邱生前預立墓石題曰築陽姜仲子之墓論者或稱其達或以

爲未忘後世名卽杜預沉碑意云

舊元和縣志  
長洲縣志

姜垓字如須給事琛之弟中崇禎庚辰進士出詹事徐汧門除行人初入署見題名碑有逆臣阮大鍼崔呈秀姓名曰奈何與衆正同列特疏請碎其額重書勒石思陵允之已而給事以直言得罪上命錦衣逮治詔獄垓急難奔走出入園扉無稍閒及受杖午門給事負痛氣絕垓口含溺喂之始再甦日夜營護調治不死及給事遣戍宣城南都再建阮大鍼輩方修舊怨必欲殺垓垓從吳門變姓名遯跡台宕間始免久之復來吳著有貧簪集識者比於西臺慟哭澤畔行吟年四十先琛卒門人私諡貞文葬西山之竹塢與給事塚同祀虎邱學者稱萊陽二姜先生云子寓節字奉世綽有門風

舊元和縣志

李實字如石號鏡庵四川遂寧人崇禎癸未進士授長洲縣令當兵荒後民不聊生實性仁

恕每遇徵比爲泣下務以至誠勸諭不加敲撲而國課無闕所立挨差法棋盤比冊編審冊姦胥豪戶不能上下其手明亡後隱居葑門外上清港垂三十年恆出沒陳湖之浜水

闔蘆深幅巾垂釣好扁舟獨游清曠之地如角直陳墓周莊等處酒一壺豆一盂或魚蔬之類數日忘歸興酣作詩隨棄去講學課徒陶淑甚夥順治乙酉湖盜起假前明義兵爲名劫實實拒不從及子仙根及第不與一見易簪時遺命不許設弔幕繪象書旂及樹墓

碣

周莊續志

董元哲字溶川武進諸生值國變避地虎邱南村茅茨圭稜種葵翦韭時拊膺三歎泣數行下南都繼陷日夜號泣不食卒卒之日賦詩有云首陽千古風猶在欲往從之但有心

集

黃周星字九烟金陵人少育於楚湘周氏亦爲楚人崇禎十三年進士又三年授計部主事明年夏以國變棄家流寓吳越間在吳寓陽城湖濱後更名人更字略似號半非晚又號笑蒼道人生平或笑或哭感觸無端遇沈冥放廢之士執手悲歌聲激水涯嘗自言身多患難幼時遇酖毒不死丙子公車出洞庭遇盜不死丁丑遭寒疾不汗發狂不死庚辰京邸觸兇刃不死丙戌避亂閩海復遇盜不死浮沈三十餘年年七十仰天歎曰吾今不可以死乎與妻孥訣別慷慨飲醇酒盡數斗竟日夕不醒人以爲真死矣仍不死後泛舟浙

東被髮長嘯自沈水死著述盈百卷今所傳者惟唐詩選驚天泣鬼怡人集唯亭志引元和縣志

于志師金壇人副使沈琬之外孫時之周莊寓副使孫賓臣家慷慨好義鎮中有公事必請

其主盟殿撰于振乃其孫也周莊鎮志

清

張拱端字孟恭太原人父度昭勇將軍官於吳樂其風土因家焉拱端聰穎絕人過目成誦

為諸生好奇任俠遊楊廷樞徐汧之門後應辟授職方主事國變後逃於禪易名與機以

其學授二子七女皆工詩善畫築別墅虎邱樓隱其間晚失明年九十餘卒馮府志引元和縣志

李仙根字子靜號南津蜀遂寧人父實崇禎癸未進士為長洲縣令仙根留蜀養母會張獻

忠破蜀所至屠滅乃奉母奔吳時父已去官隱吳淞仙根灌園操作負米以養清兵定蜀

後乃歸省墓中順治甲午四川鄉試辛丑成進士入對第二人除宏文院編修選侍讀康

熙七年安南王黎維禘擅兵奪部統使莫元清高平土地事聞上命仙根持節往諭歸元

清故土賜麟服晉秩一品乘傳至安南維禘堅不奉詔而選國中利口數十輩更番狡

辯仙根義不辱命執其通使大臣付之吏反覆開諭宣布天子威德安南人見其風裁峻

厲詞旨嚴正震懾以爲天人遂俯首服盡返侵地復命後選祭酒躋閣學會吳三桂叛土以仙根文臣知兵命理餉駐荊州未幾召歸改副都御史時逆藩甫定無辜株連者甚衆仙根力爲平反全活萬人尋升戶部錢法侍郎歷三歲以罣誤罷官歸戊辰入都留補光祿寺卿卒於官年七十

元和縣志

川澤編 卒北 與 士 入 樓 二 人 制 文 詞 謙 遜 對 諸 珮

陳奕禧字子文海寧人工書法京朝士大夫多從學書究心金石之學窮山僻徑殘碑斷碣偶有所見必剗剔苔蘚而出之以故藏度甚富起家安邑丞入爲戶曹郎出守石阡石阡道遠乏行資乃留都下賣字一月得數千金以治裝至郡書天下第一郡樓六大字於署自爲之記時人賦詩記述者甚衆未幾以兄誅撫黔迴避歸流寓蘇州定慧寺前再起南安守卒於官

同上

父丹生字山夫原名京字彤寶嘉善縣學生清初改今名嘗與朱鶴齡包振顧有孝遊工詩及古文鼎革時破家以賣卜遊四方恆飲酒悲歌以自遣嘗寓居周莊及卒兩廣總督吳興祚寄金與其子以葬之箸有貫齋遺集三十卷

周莊館志

周莊館志 寓居周莊鎮中與徐汝璞友

楊稠字牧工嘉興人性慧巧技藝百家無一不能尤工篆刻嘗寓居周莊鎮中與徐汝璞友

善

同上

管淵字公躍汾湖人好讀書放懷詩酒嘗居周莊與屠彥徵諸老結耆英社疏財多義舉有  
土豪侵陵孤弱淵奮不顧身力爲排擠卒至傾家既而歎曰人生尙氣亦虛耳遂絕意世  
務惟以岐黃術濟人

同上

毛瑩初名培徵字湛光又字休文晚號大休老人吳江庠生工詩詞及古文屏跡湖濱日

事吟詠多方外交親友勸其應試不從晚年寄居周莊嘗與屠彥徵鄭任徐汝璞社集蘭  
芷軒其子錫年爲繪四老圖著有晚宜樓詩文集錫年字長孺號康叔讀書敦品工詩畫  
得其祖以燧祖母汝氏文淑之傳自稱畫隱喜作遠山枯木筆意瀟灑徐枋甚重之著有

餘庵小草

同上

顧有孝字茂倫晚號雪灘釣窳吳江人少遊華亭陳子龍之門子龍殉國難有孝棄舉業歸  
隱好客以致破家耽吟詠選唐詩英華集甚稱於世初主周莊徐汝璞家繼寓全福寺嘗  
與鄭寬徐藩毛錫年集詩社於白雲堂

同上

汝周錄字其修黎里鎮人吳江廩生家貧力學博覽羣書性恬澹不與外事惟好表揚人善

嘗館周莊徐氏子祖霖字不盈隨其父在鎮讀書爲人亦坦率無我善園碁時推江南第

一手同

唐甄字鱗萬達州人父階泰明末爲吳江知縣蜀亂不得歸遂家於吳甄少嗜學狀貌短小而剛直亢爽順治丁酉舉四川鄉試授長子知縣有善政甫十月以逃人註誤去官儻居吳市蕭然四壁炊烟時絕著述不輟其學以良知爲宗貫穿經史非秦漢之書不讀所著衡書九十七篇志在權衡天下後以運塞不遇更名潛書寧都魏禧極稱之其婿王聞遠

刻以行世

王聞遠唐副亭行略

四子圖書言刻宜辨精文康臨學辛身潛藏

程大儒字遠之徽州學生父遇德明季福王時官內閣中書國亡殉節大儒與母載父柩轉側兵戈中不得達故里遂徙蘇州依外舅朱氏一日朱氏子娶婦盛裝飾夜半盜劫之誤入大儒室大儒以身蔽母以手格刃血流外地盜感其孝竟釋去貧困授經以修脯供甘旨妻孥藜藿養志六年母卒晝夜號泣兩目失明寢苦三年得痿疾遂不起年七十五里人私謚懿孝子文煥字豫章國學生大儒哭母失明時文煥方六歲日爲父舐目歷五年障翳復開弱冠遊學京師念親老卽歸父疾劇徒步延醫新安六晝夜走七百里兩足



盡腫先後罹父母憂毀瘠幾不勝喪既卜葬築室廬墓旁旦夕悲號哀動行路出入必告非婚祭大事不歸如是者三十年卒年八十有七乾隆五年巡撫張公疏請父子並旌表

附祀虎邱二程夫子祠

道光志

新論介子官

戴易字南枝山陰人慕嚴子陵之風賦釣臺詩數百篇來吳門年七十餘矣喜吟詠能作徑

丈八分書與楊无咎善又因无咎與徐枋定交枋臨歿以書招无咎易偕至无咎爲撫其

孤孫而易賣字爲枋營葬常冬月衣葛終日不再食積連歲賣字金卒葬枋於真如塢時

人義之後歿於虎邱

乾隆志

蓋以真如人賣不且歸真真其中國士

施何牧字贊虞一字覺庵崇明人康熙乙丑中會試戊辰成進士授中書舍人累遷考功員

外郎典貴州鄉試得人最盛以老乞歸僑居郡城東南之顧氏園卽明吳文定東莊也

元和

志云卽明侍郎顯巖交之高齋亭

疏池補石藝花種竹與一二故人及浮屠相往來詩歌唱和間以園棊

優游二十餘年外此聲勢交屏弗接也官於吳者欲識其面而不易得張清恪公伯行撫

吳同年友也終其任一二相見最後張與制府嚙互劾大吏承問者及部議俱倚撫張欲

治以罪帝罪制府嘉張清節復其官時士大夫交口稱張榮遇牧獨曰受恩愈重報稱愈

難察吏安民以答聖天子倚毗願公刻在心講明理學轉在後也時張鵬鵬分朱陸異同故云張益重之卒年八十有二生平論詩必宗盛唐六語及宋詩者必斥之有前七子

李何遺風所著有一山詩文稿及史聲明詩選等書

李果傳卷元和縣志

不足稱強

費洪學字巽來吳江人康熙庚辰進士授直隸博野知縣鋤強扶弱治多惠政歷三載卒於

官未第時館周莊鎮費晚佩家有年

周莊鎮志

吳文

李馥字汝嘉福建閩縣人康熙甲子舉人爲蘇松糧儲道升按察使民懷其德立生祠虎邱

山塘巡撫浙江修海塘貸藩庫銀以產入官不足償羈寓吳中居生祠十五年素饒於貲

至是饗殮不給而日手一編嘯歌自若四方文士過其地者必留信宿晨起顧衆賓曰今

日未知何處索米因相視而笑後歸其鄉吳中人士餞於南郊繪圖賦詩文贈別

馮府志引道光

魏荔彤字念庭直隸柏鄉人太傅裔介子官江蘇常鎮道著惠愛聲兼攝崇明兵備道給餉

以時兵弁感其德忤大吏意去官賃屋濂溪坊杜門垂簾點勘四庫七略上自六經諸史

旁及天文地志稗官野乘浮屠老子醫藥卜筮之書丹鉛不去手聞母訃以負累不得歸

哀毀逾常嬰痿痺疾雍正四年還其里

上同

沈用濟字方舟錢塘人少游京師以詩受知王尚書士正繼交梁吉士佩蘭陳布衣恭尹同入廣遍探桂林南海諸勝既而道嵩岱陟嶠隴踰潼關走塞垣歷昌平盧龍醫無閭往來西北尤久故其詩得燕趙聲居多終以游破其家遂遷嘉興再遷江寧來吳寓獅林寺垂

十五年與吳人士結北郭詩社晚客淮安物於湛真寺

上同

父來共

周振業字右序吳江人雍正癸卯以歲貢生中副榜家貧力學敦修六行從桐鄉朱彝遊專事宋五子之說以治四書其邃於性理元明以來僅有也嘗館周莊沈氏晚歲往郡城遇故人子於途憐其寒解衣衣之忍寒而歸遂病卒時雍正九年年七十有一

周莊志

顧名字子賓號書牧青浦庠生姚斷村人爲周莊徐氏贅婿性耿介端品勵學不爲應制文

耽吟詠筆致峭拔刻意生新日於井臼機杼旁與子女唱和爲樂吳祭酒偉業亟稱之著有蘭樓詩詞草十六卷子問字七思幼隨其父同在鎮才高不求仕進精篆刻工詩著強

裁詩草善詞曲有不及髯九連環等傳奇女步字佩薇亦工詩早寡守節

節周志

翁照字朗夫太學生江陰人學有根柢尤工歌詩爲人小心敬慎雖僕隸不衣冠不見嵇文

敏公曾筠高節相斌先後以鴻博經學薦皆不遇晚乃寓居吳中卜築醉溪之濱欲與沈  
尙書德潛爲耦耕伴遽以病歿

馮府志

王恆字子占紹興人能畫山水卷布濃淡意象微遠尤好爲枯木竹石寓居虎邱方丈十年

絕迹城市不交人事窮餓死

吳門補乘

沈丹楸字鳳岐吳江人廩膳生秉性誠篤弱冠娶妻生子甫期而妻歿終身不復娶晚歲館

周莊沈氏嘗攜孤孫以自隨與陳麟徵皆以義夫稱陳麟徵字瀛少青浦庠生爲周莊徐  
梅家贅婿年未三十而鰥居不再娶性落拓不羈輕財重義豪於酒座客常滿不醉無歸

卒年六十

周莊鐵志

吳鼎科字廷寶浙江山陰人父象賢官淮安海鹽同知鼎科隨父來吳從常熟陳見復無錫  
顧復初遊淹通經術寄籍元和爲諸生乾隆己卯舉人官蒙城教諭戊辰秋黃河水溢過  
淝淝河下注田廬盡沒縣令因公他出鼎科飛稟上官設法堵塞又請郡守於蕭公橋等  
處築壩次年黃水至不爲害民咸頌之晚歲歸里營一室曰安樂舫羅列經史攷索不倦  
年七十卒

馮府志引道光志

蘇州府志卷之四十五 吳江縣志卷之四十五 蘇州府志卷之四十五 吳江縣志卷之四十五

徐傳詩字韻岑號西亭真義人自少能詩承畏壘先生家學又得歸愚沈尙書講論詩法故

格律渾成步武唐人幼時讀書陽城後往來里中與朱丕成爲詩文友又有欽允恭字梅

村亦真義人工詩善醫亦時來里中寓上塘史莘野家並與朱丕成訂莫逆交

節惟

黃軒字日駕休寧人善屬文工書法乾隆辛卯進士廷對第一授修撰在上書房行走京察

王一等授川東道臺灣用兵川省協濟軍米軒督辦勞瘁以疾卒事聞加按察使銜兄騰達

字雲衢乾隆辛巳進士官至禮科給事中善書工詩文黃氏兄弟自其父卜居吳門獅子

林更其名曰涉園

道光

孫星衍字伯淵陽湖人乾隆丁未進士殿試一甲第二散館改刑部主事歷升郎中授山東

兗沂曹濟道丁母憂歸服闋授山東糧道年六十以父老告歸卜居江寧又於蘇州虎邱

建孫武子祠拓其旁屋以爲別業奉祖母許太夫人香火築授書堂於前依山臨壑疊石

疏泉擅幽棲之勝春秋佳日奉父盤桓於其中生平奉漢儒爲宗在山東時訪得伏生後

裔請設五經博士一員部議准行又濬黃河故道以洩運河之水皆本經術爲之工詩善

篆書

節道

張問陶字仲治四川遂寧人故大學士鵬翮之曾孫乾隆庚戌進士授翰林院檢討嘉慶十年改御史屢有建白奏請甄別九卿之衰老戀棧者上是之見於施行又奏九卿會議公事輒模稜無所可否清飭令各抒所見不得仍蹈詭隨之習又奏請省巡幸皆蒙嘉納既因外父周興岱爲臺長迴避改吏部員外郎俸滿出知山東萊州府綱紀整肅屬邑有侵用倉庫錢糧者劾之爲上官所忌引疾乞歸僑居虎邱山塘陸魯望祠屋之左病瘡失調卒平生好爲詩因事寓言不避嫌怨道光志一甲

秦儀無錫人美鬚髯人呼爲秦髯山宗王石谷尤長水村小景作點葉細柳別有意趣人

呼爲秦楊柳僑寓虎邱千人石下景林今語中善書工繪文黃及吳滄白父小吳

王良士初名曇字仲瞿後更今名嘉興人乾隆甲寅舉人嘗自言文章須自出機杼成一家

風骨少見賞於錢唐袁枚會楚蜀用兵其座主某以調言舉爲經略參謀疏上幾及禍自

此疲穢不振而以詩自豪足迹半天下借名山大川以發其胸中不平氣故其登臨弔古

之作尤多悲壯有一女嫁於吳來往吳門嘗居虎邱後移家杭州西湖以卒節馮府志

顧昉原名國政字穎箬號竺生崑山人嘉慶戊午舉人詩文尤善書探討經籍孜孜不厭嘉慶

丁巳來寓里中授徒講學陶成甚衆與當地士大夫交者二十餘年

唯亭志

卷之七

葉鑽字芳春號蘭潭吳江人宋石林先生之後嘉慶戊辰舉人應禮部試累薦不售主白小

山尙書家尙書奇其才愛重之詩文豪邁尤長於論古嘗寓里中馬氏

同上

進朗字蘊高號卮川南傳村人初名百謙吳江庠生嘗館鎮中進廷鑑家又嘗徙居鎮南之

西岑村後寄籍宛平改今名入泮乾隆己酉中式順天舉人久居京師北抵居庸南游楚

豫主講淮陰書院所至與賢士大夫交性豪爽善談論有幹濟才詩古文詞必自出機杼

亦工駢體精繪事人物花草俱入神品補鳳陽府訓導未幾歸里年六十七卒著有郢聖

集淮上紀聞粵遊筆談繪事瑣言繪事雕蟲等書

周莊志

楊金生字青篔吳江人歲貢生幼聰穎讀書過目不忘及長文思勃發人皆以遠到期之父

觀吉善推命謂金生必作江湖墨客因授以星命之書并天文曆數之學令其熟習金生

有王夷甫風口不言錢僕人竊取亦不與深較家故中落遂客遊四方以推命賣文爲業

所改時文舉筆立就人爭購之初寓鎮中澄虛道院繼寓桃花庵從遊者甚衆

同上

葉樹枚字條生號改吟吳江池亭村人少攻舉業不售卽舍去專力於詩務標新穎不屑人

云亦云遊吳越間以工詩稱初寓鎮中永慶庵既而從兄琴泉從之學詩時主其家著有  
改吟齋詩鈔四卷燼餘什一二卷

上同

中

胡駿聲字芑香常熟人弱冠從畢琛遊工傳神其藝爲吳中冠且善寫松陳芝楣撫蘇時延  
至幕府爲寫盆景黃山松四又寫登泰山觀日出照中年喪偶不再妻奉母至孝徙郡城

顏其齋曰望出疏花瘦石饒幽居之趣

據常昭志引墨林今話參  
長白麟虛鴻雪因緣圖記

入晉以戲

朱霞燦字齋堂號素園吳江蘇家港人晚遷泮水港早歲能文受知於莫學使以第一人入

泮家貧客授自給中年遊幕皖城旋就壽州沈刺史南春之聘課其幼子功倍他師賓主

甚相得歸裝稍贏有族母詭以困乏訴卽解囊持贈後知其非貧一笑置之道光辛卯館

於鎮中陶興宗家所課經籍外間及吟詠暇則講論史鑑或小學語錄數則諄諄之誨不

遺餘力嘗曰讀書明理徒事文辭無益也詩學香山兼工駢文書法在歐虞間又善畫花

鳥習星數及岐黃術故遊其門者往往各精一藝在鎮十年壬寅秋卒年七十三著有虛

白尸詩集八卷文集二卷

節開  
莊志

詩集八卷文集二卷

胡國超字梅村駿聲子常熟諸生流寓蘇州善吟詠著有韻蘭仙館詩集

臨川李  
聯秀序

世保堂文



集一卷子二長亮功字惕人善太素脈次沄字芭孫能承祖業工寫照善畫蘆雁

湖則鄧述

詹侶馨一名自珍安徽婺源人寄居元和郡城破偕其兄子安避亂太倉之直塘沙溪間及常昭失守與昭文文童徐廷璐奉檄辦團練屢擊退敵兵晝夜堵禦不懈侶馨有所知在城中出言敵有隙可乘侶馨廷璐乃謁撫軍薛煥慷慨陳狀遂命二人主其事遣礮船三十別部兵若干人助之駛至白茆河口擬直搗城下侶馨豫使子安入城約所知爲內應遂率所募五百人登岸先驅約礮船爲後應行里許遇敵逐之敵退追二里餘伏起前敵返門侶馨麾五百人退就礮船則遁矣二人大呼前進五百人從之當者披靡已而敵環至侶馨手格殺數人身中十餘槍死廷璐被擒死之衆遂潰廷璐自有傳死者凡二百人被獲者八十餘人子安在城知事敗逸去

昭忠錄

國朝文獻通考卷之四百九十五

戴並功字行之婺源人父士奇居金陵早殉咸豐癸丑金陵破母殉難並功偕兄並德至蘇州居齊門內花溪事兄如父旋至杭州以篆刻遊公卿間庚申杭城破得舊居停某公窖藏黃金二百餘兩還其子仍至蘇州四月蘇城破偕其兄輾轉至木瀆洞庭山至上海篆刻所得悉以奉兄汲爨必躬親兄之相衣廁踰悉手自洗滌未幾卒年二十有九同治六

年以悌弟旌

旌表事  
實冊

杜宏慶無錫人流寓元和庚申之變父被擄至杭州遇害事平宏慶始知之乞食往杭州尋

父骨歷月餘竟得負骨歸葬同治八年以孝子旌

同

陳開東申詩選

沈槩森字斌卿號戟門吳江人道光丁酉舉人性而易諳修養之術工詩及書畫博覽典籍

下至稗官小說無不精究庚申避地寓鎮中恆閉門靜坐大難平族人勸之歸槩森以鎮

中風俗厚願終老焉因以岐黃術濟人庚午暮春偶染微疾抱膝而逝年六十有七所著

詩文遭兵燹後蕩然無存矣

節周莊  
鎮志

大和甫

大和甫

莊慶椿字子壽震澤十都村人性豪爽嗜飲酒讀書博覽強識肆力於詩古文辭尤工駢體  
文出入洪北江彭甘亭諸家詩宗虞山鉛山操筆立就庚申之難方家居爲保守計兵猝  
至火槍鐵丸洞其腹竟無恙時其子人寶爲陶然家課讀遂挈眷來鎮寓居焉早歲以客  
授交四方知名士至是凡詩酒之會無一不與所作詩甚富於親故殉難則有鵲碧集於  
知交零落則有感逝懷人二集五十年生賦述懷詩用杜陵秋興八首韻有和者輒用原  
韻酬之得四十餘疊韻又有希雅堂詩文集同治甲子人寶舉於鄉乃歸故里卒年六十

有二

同上

楊慶麟字振甫吳江人道光庚戌進士授編修蘇城破以居父憂在家遂避地鎮西之長渠村時朝命常熟龐閣部鍾璐爲江南團練大臣慶麟副之未幾合肥李文忠援師至滬撤襄軍務生平喜獎拔人材同邑人提督孫金彪副將費金綬皆於早歲羅致門下後歷任河南學政山東鄉試正考官旋以翰林院侍讀學士擢順天府尹光緒初爲廣東布政使所至勤慎守法在粵三載遭本生母之喪閱一月亦病歿藩署年五十有四歸葬於鎮東南之寺巷村

同上

同

王炳華原名誦堯字伯瀛世居青浦之吳巷村咸豐辛亥舉人幼穎悟讀書過目成誦甫冠卽發科性淡泊一赴禮部試報罷不再往以詩酒自娛不問外事庚申之難避居鎮中時鎮人陶煦家舉詩社炳華數與焉所爲詩悲歌激烈不猶乎人與煦從弟然爲莫逆交卒年四十八詩稿數卷然爲之編定

同上

熊其英字純叔青浦人恩貢生苦志勵學得其兄戶部主事其光之教以古文名家遠近推作手所爲應試文亦純用古文法詩專主性靈粵軍入青浦避居鎮西之蒲塘村遂館鎮

中馮氏生平遇不平事輒出身排解不少疑憚光緒戊寅春河南大饑乃毅然偕吳江舉人凌淦等募鉅萬金往賑雖烈日暑歛中必身歷各城鄉編戶按口以給之幾一年所全活無算卒以此積勞病歿於衛輝賑所年四十有三居民感其德爲建祠祀之方其英之未往賑也青浦吳江兩縣令先後聘修縣志大綱細目獨闕蹊徑如寺觀僧道擯而附之於雜志中其有細目所不能括者多爲表以著之青浦志總十四表前此未有也

同上

殷兆鏞字序伯號譜經吳江縣人道光十五年舉人二十年進士改庶吉士散館授編修歷署日講起居注官翰林院侍講咸豐五年命在上書房行走旋授大理寺少卿擢詹事府詹事署兵部左侍郎以母憂歸同治元年服除補原官進內閣學士署兵部右侍郎吏部右侍郎六年補禮部右侍郎轉左侍郎請開缺葬親許之十一年回京仍在上書房行走十二年命署兵部左侍郎兼工部右侍郎賞紫禁城騎馬補吏部右侍郎仍兼署兵部左侍郎充經筵講官調戶部左侍郎兼筦三庫光緒五年改禮部右侍郎七年以病乞歸九年卒贈卹如例兆鏞風格端峻通籍後究心當世之務好直言無所懾庚申英法軍據天津礮臺兆鏞上疏請戰爲權貴所怒人爲之危猶數上疏論戰守事宜疏留中已爲中外

傳誦英商巴亞黑甚敬之其後日本人竹添進一介使臣請於朝欲謁兆鏞其名動四裔如此兆鏞又嘗上疏請罷江浙釐捐劾治江蘇貪吏數人朝貴多嫌其狂直迴翔卿貳間未獲顯用已卯察典以篤老改官實疏之也久之兆鏞以病甚乞退得請之日諸王公卿士門生故舊排日祖道比於疏傅都人士亦惜其去歷充湖北陝甘主考官會試同考官武會試副考官順天鄉試副考官安徽學政及殿廷試閱卷大臣所拔多氣節文學士後得蘇州蕭家巷屋退老後居之杜門却掃泊如也子源同治甲戌進士庶吉士未散館卒

節自訂  
年譜

李鴻裔字眉生四川中江縣人年十六補縣學生旋食餼以道光己酉拔貢中咸豐辛亥經魁由主事觀政兵部工詩善書講求經世學才名藉甚有達官諷使出其門許以鼎甲笑而不應宗室肅順素與善及貴顯用事遂絕之來謁亦不納其澹於榮勢如此時粵軍方盛鄂撫胡文忠林翼知其才奏調軍中差遣每事咨焉胡卒江督曾文正國藩辟爲營務處總理曾奏其材堪大用遂奉旨交樞廷存記同治三年克復金陵奏權江安十府糧道請改江漕以蘇民困旋總理糧臺及善後總局整紛剔蠹百廢具舉五年補淮揚徐海兵

備道駐徐州總辦營務兼筦糧臺時吉林及湘淮諸軍從征者不下數萬糧械軍火皆取辦焉未幾捻寇大至賴轉輸得力卒全危城以捍南北淮勇以戰勝而驕某營員嘗殺人  
有司莫敢詰鴻裔捕而置之法與諸將推誠相接主客大驩徐舊有防軍十數營由道自  
籌餉精確不報銷乃併入大營歲省度支數十萬又裁民間雜稅數十萬境有葵河久不  
疏濬又出俸錢治之遐邇稱便踰年擢江蘇按察使論功晉階布政使賜戴花翎以守徐  
時失眠數月耳鳴重聽固請開缺不復出時年未四十未盡其用海內惜之既得請以距  
家遠遂寓吳中居城南網師園命嗣子庶猷還蜀修先人墓置祭田設義塾山左右告災  
頻出鉅資助賑不足則節縮服食繼之四十後杜門卻掃擁書數萬卷治經之外旁及金  
石文字又瀏覽老莊等書皆有所得性耿介無妄交與吳縣潘文勤祖蔭湘鄉曾惠敏紀  
澤開縣李制軍宗羲嘉興錢尙書應溥湖口高大令心夔獨山莫徵君友芝契誼尤篤光  
緒十一年病卒年五十有五著有蘇鄰遺詩

亦曰蘇仙  
詩稿遺稿初續集其書法尤爲當世所珍

稿訪

楊峴字見山一字庸齋舊署松江府罷官後自號蘋翁學者稱庸齋先生先世自無錫遷歸

安遂爲歸安人幼通敏與兄寶彝同學能詩歌出入漢魏樂府似陳子昂蘇源明旣而悔之銳意治經問算於臧眉卿并通三統術成春秋中朔表一卷臧治左氏學爲春秋左氏右義凡七易稿而峴好公羊以嚴顏氏義久佚采兩漢傳記旁及碑刻所引孤文碎義擇而審別之爲顏氏記四卷臧先生歿遺書盡佚峴求得古義初稿於賣錫家有經無傳昭公二十三年以下全闕補輯爲六卷道光丁未客杭州始謁陳碩甫先生於汪氏振綺堂論歸寧義留受業陳爲公羊禮徵未就以稿付峴因言儀徵劉氏句容陳氏丹徒柳氏爲三傳之學皆卓然有以自立羣經惟周官小戩無專家子通隸首術蓋治周官乃先爲義類攷名物制度十年成長編四十五冊是時江左晏然峴生長承平多見古書雅記洎舉於鄉北試京師益徧交當代名流已未庚申間蘇杭被兵乃爲浪遊之大梁而秦隴而蜀逾年再入都聞關南下謁曾文正於安慶聞湖州失渡江至上海則城破全家被陷因百計出之而舊所著書及校藏之本悉委灰燼江甯旣復議開書局刊經史百家之書峴與其事已而依李制府瀚章數年陳教授立同客幕府方讓公羊正義峴用疇人術爲攷朔閏差失時已積功得花翎直隸州知州留江蘇十年權松江府事坐草率鐫級去而峴

亦老矣寓吳十二年以作書自娛工隸書雄快有奇氣光緒二十二年七月十日以疾卒

於醋庫巷寓舍

節碑傳續集費念慈撰墓志銘

朱培源字怡雲號拙存新陽人世居元崑交界之陳墓鎮自洪楊亂後僑寓蘇州爲學不拘

一格尤長於古文詞詩葉昌熾王頌蔚袁寶璜方爲諸生讀其文咸傾衿納交經師人師多所造就一時知名之士多出其門如吳郁生其一也後以拔貢廷對得訓導庚子之變浩然思歸乃去官又數年而物所著有介石山房文集行世葉昌熾爲之序學者私謚沖素先生

節采訪稿

沈秉成原名秉輝字仲復號聽蕉湖州歸安縣學生道光乙酉舉於鄉咸豐丙辰成進士改

庶吉士因京察一等記名以道府用尋由江蘇常鎮通海道洊升至安徽巡撫兼提督旋署兩江總督爲講官時以烏程歸安德清漕太重援左宗棠酌減寧紹錢糧例請輕之報可三邑民困賴以得蘇在常鎮時設課桑局教民藝育又以亂後積尸盈塋乃集貲設局購地掩埋四明人與法商爭地械鬥獨能持平斷理絕不偏袒其在桂林時以南甯泗城潯梧等地皆宜蠶桑亦教民種植以開財源并於改土歸流之地逢每屆鄉試撥出一名



爲該州廳中之額以振興文教省城開元寺積棺萬具亦皆籌款掩埋及調皖撫先後弋獲會匪巨魁以遏亂萌至署江督時凡整頓營規紀綱鹽政修築城垣添署軍械諸事復爲之不遺餘力後寓吳門得婁門新橋巷某氏舊圃葺而新之顏曰耦園彝鼎圖書收藏極富輯有鐫研廬金石款識及所見書畫錄等書卒年七十有三

訪稿

沈瑩號樸如崑山縣附貢生寓居郡城丁香巷同治五年署青浦縣訓導時適經兵燹應辦善後事宜如修葺文廟規復文昌閣等要工會商諸紳請款修建經營督理費節工堅采訪孝義忠節不遺餘力平時與諸生講貫必以積學敦品文行交修爲勗遇有寒峻身故貧無以殮卽解囊慨助慮孤寡無以自存則捐廉募貲置田爲儒發會以備周恤妥議章程詳經前學臣通飭松屬各縣照章仿行遵循罔替於光緒元年在藉病故至宣統元年奏准入祀青浦縣學名宦祠

採訪稿

李鷺字友鵬四川中江人鴻裔孫幼穎異博學多識熟精選理書法神似其祖連不得志於鄉舉援例爲令選授甘肅成縣知縣嚴懲賭盜合境肅然銳意興革無政不理治縣八年循聲卓著以卓異升直隸州知州在任候補旋調署靈臺縣靈臺民走相慶曰李青天來

吾儕庶有夕矣遇歲大旱赤地千里民幾譁變驚竭力拊循不顧虧累擅開官倉賑救不足則以己財繼之期滿受代民遮道攀留至不得行大吏重其賢能請知固原直隸州以父憂去官隴人惜之服闋後晉秩道員感觸時艱條陳補救之策甚備擬以赴引呈奏會遭疾不果宣統庚戌正月卒於吳下寓廬年五十

上同

諸生讀其文咸稱其文經人

鑒精遠而學引既博分屬谷神淵寧討法甚詳國管效深淑學其辭雖雅至宣統元學貧無以餒唱賴親遊越宜薦鴻誠以自谷傾聽裝寶野田欲歸誠會以諸學士受諸學士等事忠誠不置猶以平初與諸士藉貫忍以辭學專品文行交對欲假西亦寒知良端其登進對賦其山緯俄竟出高風淵測下管巷同節正筆吾重籌測照有補原為委獎繼繼林富健育精誠顯金活樣歸又況是書據披卷查率弟士士德誠不其誠時之報錄之不數翁以錄高吳門榜費門後錄卷其其畫圖畫而後之誠曰誠誠能備書畫其藝會親且誠以張顯節至晉其晉和凡進節營賦屏聯照和對樂和且無遺賦對聯其錄其州論中文讀以述與文輝香銀關示表蘇誠其其亦皆選錄並學及臨誠誠錄其